



漢書地理志補注卷十五

常熟 吳卓信 編纂

南郡

方輿紀要——秦郡也今荊州府北至襄陽府之境是其地
按漢——今湖北府之江陵監利松滋枝江宜都五縣襄陽府之宜春襄陽二縣安陸府之當陽縣及荊門州宜昌府之東湖縣及歸州漢陽府之沔陽州又四川夔州府之巫山縣皆其地

秦置

史記秦本紀昭襄王二十九年白起攻楚取郢為——
習鑿齒襄陽記秦兼天下自漢以南為——
水經注秦

昭襄王使白起拔鄢郢以漢南地置——周書曰南國名也南氏有二臣爭權君弗能制用分爲二南國按韓嬰叙詩云其地在——南陽之間呂氏春秋所謂禹自塗山南省南上是郡取名焉 地理志稽疑其時韓亦有——秦本紀昭襄王四十四年攻韓——取之是也蓋與楚接境之地後殆并入

帝高元年更爲臨江國五年復故

史記項羽本紀義帝柱國共敖將兵擊——功多因立敖爲臨江王都江陵 又荆燕世家劉賈與盧綰擊臨江王共尉尉死以臨江爲—— 又靳歙傳別定江陵降江陵柱國大司馬以下八人因定—— 廿二史考異按高帝

元年楚柱國共敖爲臨江王都江陵卽——故地本項羽所封史家繫之高帝耳其五年敖子尉爲漢所虜則復爲——矣

景帝二年復爲臨江中二年復故

新校地理志按諸侯王表景帝二年三月立子闕爲臨江王二年薨諡曰哀無後愍王榮七年十一月立三年自殺闕榮並景帝子立又異時是闕國在先榮國在後也志統舉之

莽曰南順屬荊州有發弩官

師古曰主教放弩也

縣十八

江陵臨沮夷陵華容宜城郢都當陽中廬枝江襄陽編秭
歸夷道州陵若巫高成

江陵故楚郢都楚文王自丹陽徙此

史記楚世家熊渠立長子康爲句亶王張瑩曰今——也

又云文王熊賁始都郢 左傳文十年子西爲商公沿

漢沂江將入郢王在渚宮下見之正義商在漢水北漢水

東流而南入江子西自商縣沿漢水順流而下至江乃沂

流逆上渚宮當郢都之南故王在渚宮下見之 本志論

列國風俗——故郢都西通巫巴東有雲夢之饒亦一都

會也 說文郢故楚都在南郡——北十里 世本楚鬻

熊居丹陽武王徙郢 杜預左傳注楚國今南郡——縣

北紀南城也 郭璞山海經注——近地無高山所有皆

陵阜之屬故名—— 荆州記昭王十年吳通漳水灌紀

南城決赤湖進灌郢城遂破楚是前攻紀南而後破郢也

今——縣北十餘里有紀南城楚王所都東南有郢城子

囊所築 水經注江水又東逕——縣城南縣故楚也

子革曰我先君僻處荆山以供王事遂遷紀郢今楚城船

官地也春秋之渚宮矣 又云夏水出江津於——縣東

南江津豫章口東有中夏口是夏水之首江之沱也屈原

所謂過夏首而西浮顧龍門而不見龍門卽郢城之東門

也 又云——西北有紀南城楚文王自丹陽徙此班固

言楚之郢都也 廣韻荆州名夏及周並爲州秦爲——

卽郢都之渚宮春秋正義世本及譜皆云武王都郢又左
傳沈尹戌曰若敖蚡冒至於武文土不過圻猶不城郢則
楚之都郢并不始於武王矣蓋經營數世至武文而始定
耳 括地志楚武王始都郢紀南故城是也在今荊州一
縣北十五里 渚宮舊事文王熊賁都郢今一一北郢
城紀城是也 通典今荊州所理一一縣故楚之郢地秦
分郡置一一縣今縣界有故郢城 通鑑地理通釋屈原
哀郢曰顧龍門而不見孰兩東門可蕪注云楚都南關二
門一名龍門一名修門兩東門郢都東關有二門也 寰
宇通志一一一名龍門一名修門兩東門郢都東關有二
門也 寰宇通志一一故楚郢都秦分郢爲江陽縣漢改

爲一一

又云郢城在荊州府城東北按元統志謂郢

城在安陸州然楚成王使鬬宜申爲商公沿漢沂江將入

郢王在渚宮下見之夫沿漢而下沂江而上則郢在江上

而不在漢上明矣又注克寬春秋纂疏謂文王遷郢在一

一故郢城平王時囊瓦城郢在安陸不知何據 大清一

統志一一故城卽今荊州府治本春秋楚渚宮地漢置一

一縣代因之渚宮在城內西北隅 又云紀南城在今荆

州府一一縣北楚文王以後所都一名郢城 趙一清水

經注釋或據荊州記所說以駁酈注子按史記索隱云楚

都郢今一一北紀南城是平王更城郢今一一東北故郢

城是楚子革曰我先君僻處荆山以供王事遂遷紀郢則

郢與紀南爲二城明矣然紀南本號郢酈注亦未盡非也
段玉裁說文注按楚有二郢所都曰郢別業邑曰郊郢
左傳鬬廉曰君次於郊郢以禦四邑杜曰郊郢楚地此必
非郢都也故前志曰一一縣故楚郢都又曰郢縣楚別邑
故郢劃然二縣故郢二字正故郊郢之誤也許君於他
邑不言距今縣方向里數獨此云在南郡一一北十里詳
之者以見非漢郢縣之郢也

後九世平王城之

括地志平王城郢在荊州一一縣東北六里卽吳公子光
伐楚楚平王恐而城郢者也 按是年爲楚平王十一年
後十世秦拔我郢

史記楚世家頃襄王二十一年秦將白起遂拔我郢燒先
王墓 又白起傳昭襄王三十年攻楚拔郢

徙陳

舊作徙東誤 史記楚世家頃襄王兵散遂不復戰東北
保於陳城 又白起傳楚王亾去郢東走徙陳 殿板漢
書考證齊召南曰徙東當作徙陳此頃襄王二十一年事
也志於九江壽春邑自注曰楚考烈王自陳徙此卽與此
文相應各本俱誤

莽曰江陸

臨沮

應劭曰沮水出漢中房陵東入江 水經注沮水南逕一

一縣西又屈逕其縣南 師古曰沮水卽左傳所云江漢
一漳楚之望也音千余反 後書公孫述傳注一一縣故
城在今荊州當陽縣西北 寰宇記今襄州南漳縣峽州
遠安縣並漢一一縣地沮水逕當陽縣北十餘里東南流
一百里入沱江 地理通釋沮水在今荆門軍當陽縣
方輿紀要一一城在今襄陽府南漳縣西南六十里 大
清一統志一一故城在今安陸府當陽縣西北沮水在縣
北自襄陽府南漳縣流入荊州府遠安縣又南入安陸府
當陽縣界合漳水南至荊州府江陵縣西入江 水道提
綱沮河源出遠安縣北境之北風山南流百餘里曰潮水
河南經縣城西折東南至當陽縣西北境有鞏河自東北
來會折東南經當陽城北又東南至古麥城西又東南漳
河自東北來會又南百五十里入大江

禹貢南條荆山在東北

禹貢荆河惟豫州孔傳豫州西南至荆山 又荆及衡陽
惟荊州孔傳荊州北據荆山 左傳昭四年晉司馬侯曰
荆山九州之險也 又十二年楚右尹子革曰昔我先王
熊繹僻在荆山 中山經沔荆山今在新城沔鄉縣南
荊州記荆山西北三十里有青谿谿北卽荆山首曰景山
卽卞和抱璞處 王粲登樓賦蔽荆山之高岑 水經注
荆山在景山東一百餘里雖羣峰競舉而荆山獨秀 唐
六典山南道名山曰荆 括地志荆山在今襄州荆山縣

西八十一里荆山縣本漢一一縣地 元和志荆山在今南漳縣西北八十里三面絕險惟東南一隅纔通人徑 寰宇記卞和得玉於荆山卽此 輿地廣記荆山在今南漳縣東北荆豫二州於是分境 地理今釋荆山在今襄陽府南漳縣西少北八十里左傳所謂荆山九州之險指此 大清一統志荆山在今襄陽府南漳縣西八十里 按左傳昭十三年楚遷許胡沈道房申於荆杜注荆荆山也然則荆山能容六小國之衆其爲地亦廣矣蓋自宜城南漳以至房縣迤邐而西與歸州相接皆荆山也亦曰西山

漳水所出東至江陵

屬本郡

入陽水陽水入沔行六百里

說文南漳出南郡一一 山海經荆山漳水出焉東南流

注於睢郭注出荆山至南郡當陽縣入沮水 水經漳水

出一一縣東荆山南至枝江縣北烏扶邑入于沮注云漳

水東南流又屈西南逕編縣南又南歷一一縣之章鄉南

又南逕當陽縣又南逕麥城東又南滄水注之地理志云

注于沔非也今漳水于當陽縣之東南一百里餘而右會

沮水也 又云揚水上承江陵縣赤湖北流逕竟陵縣西

又北流注於沔 方輿紀要漳水出南漳縣南境經當陽

縣北又南東與沮水合流達縣南之沱江至荊州府枝江

縣而入大江 大清一統志漳水出荆山馮家嶺自南漳
縣南流入安陸府當陽縣界經縣東又南合於沮水 又
云揚水在安陸府天門縣西發源京山縣虎爪山名揚水
河南流名馬溪河又南流入中水河據水經注所言與今
水道不合 水道提綱漳河源出沮縣東北五十里之勸
湯巖南流至清水舖西曰清溪河又東南流至麥城東又
南與沮河會二水自源至江行四百餘里 又云南漳府
縣在襄陽府西南一百二十里宜城西北一百四十里其
西與鄖陽府保康縣連界其南境多大山自竹山而東南
爲房山景山爲五柯樹爲龍潭山高雞寨東爲老龍山北
風山至縣安與遠安接界綿亘不斷而東南至荆門州之
西北凡數百里禹貢荊州之荆山在縣西北八十里漳水
所出卽今清涼河也源出南漳縣西北大山卽穀城縣南
界保康縣東北界襄陽縣西南界諸山相連者也東南流
循山麓八十里至縣東北龍門集之北又東南流百餘里
至武安鎮西南會歇馬河東流曰蠻河又東稍北經宜城
縣西境朱家嘴南稍東折東南流八十里至縣東南境之
新店又東南八十里入漢源流行四百餘里 按水經注
是揚水自入沔漳水乃入江耳

夷陵

史記白起傳昭襄王三十年攻楚拔郢燒——索隱曰——
一陵名後爲縣 宣都記自黃牛灘東入西陵峽至峽口

一百里許山水紆曲兩岸高山重嶂非日中夜半不見日月絕壁或千許丈林木高茂猿鳴至清山谷傳響泠泠不絕所謂山峽此其一也 水經江水又東過夷陵縣南注云縣南臨大江秦令白起伐楚三戰西燒夷陸卽此應劭曰夷山在西北蓋因山以名縣也 後書光武紀注縣有夷山故曰夷陵故城在今峽州 一縣西北 通典峽州楚 一漢屬南郡魏武置臨江郡蜀改爲宜都吳破蜀改爲西陵常爲重鎮 方輿勝覽 一山一名西陵峽在 一縣西北二十五里 名勝志夷者平也言江路至此始平也今 一州西北十五里有白起洞相傳武安伐楚時憇師于此 大清一統志 一故城在今宜昌府東湖縣

東按 一故城有四此晉宋以前故城也又在東湖西北下牢戍隋以前故城又在東湖西北石鼻山宋建炎中所移又在東湖縣東南宋端平元年所移

都尉治莽曰居利

華容 水經江水又東至 一縣西夏水出焉又東南當 一縣南涌水出焉注云江水左迤爲中夏水右則中郎浦出焉又東涌水注之水自夏水南通於江二水之間謂之涌口春秋傳所謂閻敖游涌而逸者也 後書胡廣傳注 一

故城在今荊州東 通典今荊州石首縣復州監利縣並漢華容縣地若岳州 一縣乃漢孱陵縣隋所置非漢之

一一縣也 大清一統志一一故城在今荊州府監利縣西北 按春秋定四年許遷於容城後二年鄭即滅許傳所謂因楚敗也容城在今河南南陽府葉縣西應仲遠以為即南郡之一一誤矣南郡之一一為今湖北荊州府監利縣在郢都之側豈能至此乎水經注復仍其說非是雲夢澤在南荊州藪

禹貢雲土夢作又孔傳雲夢之澤在江南其中有平土邱水去可為耕作畝畝之治 夏官職方荊州澤藪曰雲曹鄭注雲夢在一一爾雅十藪楚有雲夢郭注今南郡一一縣東南巴邱湖是也 裴駟曰孫叔敖激沮水為此澤 郭延生曰夢音蒙 水經注夏水又東逕監利縣南縣

土卑下澤多陂池西南自州陵東界逕于雲杜沌陽為雲夢之藪矣 元和志史記司馬相如傳云楚有七澤其小者名雲夢方九百里左傳邠女棄子於夢中無雲字楚子濟江入雲中復無夢字以此推之則雲夢二澤本自別矣而禹貢及爾雅皆曰雲夢者蓋雙舉二澤而言之故後代以來通名一事 寰宇記雲夢澤在安陸縣東南濶數十里南接荆襄湘口 大清一統志雲夢澤在今德安府安陸縣南五十里東南接雲夢縣界按左傳楚昭王涉睢濟江入於雲中杜注謂睢至枝江入注漢志謂南郡一一有雲夢澤故先儒有蔡沈注禹貢以為雲夢方八九百里一一枝江江夏安陸皆其地也今考古之一一杜佑以為

今監利胡三省以爲今石首曹操赤壁之敗行雲夢澤中失道當在監利石首間而令尹子文初生棄於夢中石晉安審暉破南唐兵于雲夢則當在安陸也要之安陸以南一一以北枝江以東皆古之雲夢澤後世悉爲邑居聚落皇朝通志雲夢澤跨江南北蓋八九百里自枝江而東爲松滋爲公安爲石首爲一一濱江南岸多澤藪卽所謂江南之夢也江北尤巨自荊州府江陵以東監利以北沔陽州前後左右諸湖皆受漢水支津至嘉魚縣東北漢陽府西南境分流以入於江漢水之東北岸自京山天門應城雲夢孝感東南至黃州羣水瀦滙亦卽古澤皆入漢之水所瀦而又分流以入於漢水 水道提綱雲夢跨

江南北蓋八九百里今自枝江而東爲松滋東南爲公安又東南爲石首爲一一濱江南岸多澤藪卽古所謂江南之夢也江北尤巨自荊州府江陵以東潛江以南監利以北沔陽州前後左右諸湖渠皆首受漢水支津于大澤口之西張集港之南東南流至嘉魚東北至新灘司及漢陽西南境之沈口分流入江者也總曰沔水東西地四百餘里南北二百餘里 按雲澤夢江水所溢也禹貢荊州雲土夢作乂職方荊州澤藪曰一一爾雅十藪楚有雲夢可見雲夢一藪也左傳昭三年楚子與鄭伯田於江南之夢宣四年妖夫人使棄諸夢中定四年楚子涉睢濟江入於雲中雲夢二字分舉後儒遂謂夢在江南雲在江北唐人

改禹貢為雲土夢作又以為從古本尚書于是雲與夢分
 為一地轉致疑於職方爾雅然史記夏本紀述禹貢云雲
 夢土為治本志序文引禹貢云雲夢土作又俱連舉雲夢
 則唐人所云尚書古本未足據矣左傳雲夢分舉不過偶
 從省文傳文謂之江南之夢則江北有夢地可知故杜注
 云楚之雲夢跨江南北後儒謂夢在江南者非也吳師五
 戰及郢昭王自郢西走涉沮水渡江而南東行入雲中故
 杜注云入雲夢中澤所謂江南之夢是雲中即江南之夢
 後儒謂雲在江北者非也雲夢一澤而跨江南北統為一
 數故鄭康成職方注應劭風俗通義高誘呂覽注及淮南
 注韋昭國語注郭璞爾雅注俱本漢志之文漢之——今

為荊州府監利石首二縣監利在江北石首在江南又編
 縣及江夏西陵二縣並有雲夢宮編縣今安漢府荊門州
 也西陵今黃州府黃岡蘄水二縣及蘄州之境也又有雲
 杜縣今安陸府京山縣也蓋春秋以來楚地曰闢苑囿益
 廣戰國策楚王游于雲夢結駟千乘高唐賦云襄王與宋
 玉遊於雲夢之臺是當日離宮別苑俱稱雲夢水經注雲
 杜縣東北有雲夢城則宮囿所在必增置城隍子虛賦云
 雲夢者方八九百里雖賦家夸大之辭亦可見後世遊觀
 之侈非復殷周藪澤之舊矣然則東抵蘄州西抵枝江京
 山以南青草以北皆為古之雲夢孔穎達所謂雲夢一澤
 而每處有名者也

夏水首受江東入沔行五百里

鄭康成尙書注——有夏水首受江尾入沔此所謂沱也

水經夏水出江津于江陵縣東南又東過——縣南又

東至雲杜縣入于沔 水經注江水又東至——縣西夏

水出焉十三州記曰江別入沔爲夏水源夫夏之爲名始

於分江冬竭夏流故納厥稱既有中夏之目亦苞天夏之

名當其決水之所出謂之堵口自堵口下沔水通兼夏日

而會於江謂之夏汭也左傳稱吳伐楚沈尹射奔命夏汭

杜預曰漢水曲入江卽夏口矣夏水出江流江陵縣東南

又東過——縣南江津豫章口東有中夏口是夏水之首

江之沱也 寰宇記沔陽縣夏水南入大江一名長夏水

郭仲產云此水東塞夏通因名夏水 大清一統志夏水

在荊州府江陵縣東南東流入監利縣界又東流入安陸

府沔陽州界一名長夏港又名魯沱江又名大馬長川

一統志潛水在今湖北安陸府潛江縣東南流逕漢陽

府沔陽州西北合夏水今名蘆沱河府志云蘆沱河自漢

江分流爲排沙渡又南逕潛江縣城東爲縣河又南爲總

口又南爲許家口又東至沔陽州柏口至柳口會漕河又

東播爲蕞蒿河又東合夏水是爲正流一支自縣河分流

爲洛江河東入沔陽州界又一支自總口分流爲馬丹河

西通直路河宋置潛江縣以此得名按此卽禹貢荊州沱

潛旣道之潛水今水由漢出與爾雅正合 水道提綱荆

州府治江陵縣城北有大暉港自北而南折而南折而東經城北又東數十里形如曲尺此水無所入其北有池水當港曲平地干龍背橋南東流六十里有小水自西北來會滙爲太白湖自西迤而東南長九十里至潛江縣西境梅家嘴西有三湖水西南自江陵東南境來會又東有漢水支津東北自大澤口西南流來會南流有紅馬湖水南自江東岸之郝穴東北流又西合觀音寺東之水來會卽古所謂夏水首受江後人曰長夏河者也 按夏水在今荆州府監利縣東南所謂魯泐江也馬融鄭康成皆以夏水爲卽滄浪之水來會誤矣

宜城故鄢惠帝三年更名

左傳桓十二年楚屈瑕伐羅及鄢亂次以濟杜注鄢水在襄陽——縣入漢釋例云鄢水出新城沔鄉縣東南經襄陽至——縣入漢 又昭十三年靈王沿夏將入鄢杜

注夏卽漢之別名順漢水入鄢也本爲楚別都故靈王欲入 史記秦本紀昭襄王二十八年大良造白起取鄢正

義鄢在襄州 又楚世家頃襄王十六年與秦昭王好會于鄢 說文鄢南郡縣孝惠三年改名—— 水經沔水

又南過——縣東夷水出自房陵縣東流注之注云夷水蠻水也桓温父名夔故又改曰蠻水東南流逕羅川城故羅國也又謂之鄢水春秋楚人伐羅渡鄢者也其水自新陂東入城城故鄢郢之舊都也秦以爲縣漢惠帝改曰——

一 括地志故鄢城在今襄州安養縣北三里襄州北五里南去荊州二百五十里鄢水源出義清縣西托伏山元和志故一一在今襄州率道縣南九里本楚鄢縣秦昭王使白起伐楚引蠻水灌鄢城拔之遂取鄢即此城也渚宮舊事楚惠王因亂遷鄢今一一是既立復歸而舊史缺見 寰宇記蠻水西自義清縣界東南流入一一縣元統志漢一一故城在今縣南十五里 大清一統志一一故城在今襄陽府一一縣南鄢水源出南漳縣南康狼山東流入一一縣南入漢一作馮水亦名夷水又名蠻水今名蠻河 按鄢本古國後入楚為別都其後昭王徙鄢於郡更稱鄢鄢以鄢與都俱在一一縣地相近故稱鄢鄢以別于江南之紀鄢也

鄢楚別邑故鄢

左傳襄十四年楚子囊將死遺言謂子庚必城鄢楚於是始城之 又昭二十三年楚囊瓦為令尹城鄢水經注江水又東逕一一城南子囊遺言所築也又東得豫章口夏水所通也 大清一統志一一縣故城在今荊州府江陵縣東南楚平王所都 按本志故鄢二字段氏謂故下脫郊字甚是詳前江陵下

莽曰鄢亭

鄢

按文一一南郡縣从邑已聲 孟康曰一一音忌 周成雜字

解詁一音聽 水經沔水又南過一縣東北注云縣故楚
邑也秦以爲縣漢高帝十二年封黃極忠爲侯國 又云
三澨江在南郡一縣之北注云池流多矣論者疑焉亦不
能辨其所在 師古曰一音其已反 晉書音義一音起
又渠記反 後書涇水王傳注一縣故城在今襄州一音
其紀反 元和志今襄城宜城縣本漢一縣地城東臨漢
江古諺曰一無東言其東逼漢江其地短促也 方輿紀
要故一城在宜城縣北九十里王莽地皇二年一入秦豐
起兵 禹貢錐指三澨當在涓水入漢處一在襄城北一
在樊城南一在三洲口東皆襄陽縣地在古一縣之北也
大清一統志一縣故城在今襄陽府宜城縣東北 按

水經載禹貢山川澤地所在南郡一縣有三澨地而本志
無之

當陽

水經注沮水又東南逕一一縣故城北城因岡爲阻北枕
沮川其故城在東一百四十里謂之東城在綠林長坂南
又南逕楚昭王墓又南與漳水合焉 又云漳水又南逕
一一縣又南逕麥城東於當陽縣之東南一百里餘而右
會沮水王仲宣賦曰夾清漳之通浦倚曲沮之長洲是也
寰宇記一一縣在今荆門軍西一百五十里漢陽縣也
故城在今縣北 大清一統志一一故城在今安陸府一
一縣東 地理志稽疑施廷樞云一一謂當陽水之上也

中盧

左傳桓十三年羅與盧戎兩軍之杜注盧戎南蠻國語

富辰曰盧之亾由荆媯韋注盧媯姓之國續郡國志作

中盧水經沔水又東逕中盧縣東淮水自房陵淮山東

流注之注云縣卽春秋盧戎之國也師古曰一一在襄

陽縣南今猶有次盧村以隋室諱中故改中爲次後書

臧宮傳注一盧故城在今襄州襄陽縣南通典今襄陽

郡一一縣卽漢縣也蓋貉越人徙於此在襄水之陽元

和志一一故縣在今襄州清義縣北二十里本春秋盧戎

之國秦時謂之伊盧項羽亾將鍾離昧家在伊盧是也

方輿紀要一一城在今襄陽府南漳縣東北五十里大

清一統志一一故城在今襄陽府襄陽縣西南按左傳

文十六年自盧以往振廩同食盧卽盧戎國傳所謂羅與

盧戎兩軍之者也楚滅之以爲盧邑正義云盧與盧通漢

置一一縣而應仲遠謂盧江郡卽古廬子國通典因之而

復云左傳自盧以往卽此地廬州府志古蹟有同食館唐

元和中刺史路應求建此真俗語不實流爲丹青者矣

枝江

史記楚世家楚之先出自帝顓頊高陽至周文王之時其

苗裔曰鬻熊事文王卒曾孫熊繹當成王時封於楚姓

芊氏居丹陽徐廣曰丹陽在南郡一一縣正義曰潁容云

傳例曰楚居丹陽今一一縣故城是又韓世家宣惠王

二十一年與秦共攻楚將屈丐斬首八萬於丹陽 續郡國志——縣有丹陽聚 荆州記——縣舊治沮中後移出百里洲西去郡一百六十里縣左右有數十洲槃布江中百里洲最大自縣西至上明東及江津其中有九十九洲 水經江水又東過——縣南沮水從北來注之注云江水又東逕上明城北又東會沮口楚昭王所謂江漢沮漳楚之望也 又云沮水又東南過——縣東南入於江注云沮水注江謂之沮口 通典今荆州——縣漢陽縣楚文王自丹陽徙都亦曰丹陽 渚宮舊事周成王時封熊繹於楚以子男之國居丹陽實—— 寰宇記——縣在今荆州西一百二十里漢舊縣也 九域志江陵府松滋縣有——鎮 寰宇通志——在荆州府城西一百八十里以蜀江至此分枝為諸洲故名 大清一統志——故城在今荆州府——縣東丹陽城在縣西

故羅國

左傳桓十二年羅人欲伐楚師杜注羅熊姓國在宜城縣西山中後徙——縣 續郡國志——本羅國 水經注——縣民故羅徙羅故居宜城西山楚文王又徙之於長沙今羅縣是矣 大清一統志羅川城在今襄陽府宜城縣西南故羅國

江沱出西南東入江

南字從水經注增 禹貢荆州沱潛旣道 詩召南江有

沱 爾雅釋水江為沱 鄭康成曰南郡一一縣有沱水
 其尾入江耳首不於江出也華容有夏水首出江尾入沔
 此所謂沱也 水經荊州沱水在南郡一一縣注云江水
 自夷道縣北又東逕上明城北其地夷敞北據大江江沱
 枝分東入大江縣治洲上故以一一為稱 孔氏書正義
 導江言東別為沱是沱為江之別名也 師古曰沱即江
 之別出者也 經典釋文沱徒何反 禹貢錐指按一一
 沱水為江洲所隔而成何不言於江出華容夏水自江陵
 縣東南首受北江東北流經監利沔陽與潛江縣分界又
 東北至京山縣東南而注於漢此本沱水枝分而為夏非
 出於大江鄭以為沱者蓋北江久已盛大世目為岷江之

經流因以所出者為沱耳禹時無此沱也不可從 大清

一統志禹貢岷山導江東別為沱又東至於澧而今澧水

北去江二百餘里說者遂以禹貢之文為不可解考水經

注云江水又東逕上明城北江沱枝分東入大江縣治洲

上故以枝江為稱江水又南逕江陵縣南縣江有洲號枚

迴洲江水自此兩分而為南北江寰宇記云百里洲首派

別南為外江北為內江王晦叔云枝江縣百里洲夾江沱

二水之間其與江分處謂之上沱與江合處謂之下沱蓋

南江在古時為岷江之正流江陵縣西南二十里有虎流

口南江從此東南流流於澧水而北江則沱水也其後北

江漸盛南江漸微世反以南為沱北為江矣

襄陽

應劭曰縣在襄水之陽 荆州記——舊楚之北津從襄陽渡江經南陽出方關是通周鄭晉衛之道其東津經江夏出平津臯門是通陳蔡齊魯之道 宋書州郡志——本漢為中廬縣漢初徙駱越之人居之 水經沔水又東逕——縣北注云沔水又東合檀濱水水出縣西柳子山下北流注於沔一水東南出應劭曰城在襄水之陽是水當即襄水也城北枕沔水楚之北津戍今大城西壘是也其土故鄢都盧羅之地秦滅楚置南郡號此為北部焉元和志今襄州郭下——縣本漢舊縣古諺云——無西言其界促近也 輿地紀勝以地在襄山之陽為名 考

輿紀要——城相傳漢晉時故址背負漢水東北一帶皆緣城為隄以防潰決謂之大隄漢樂府有大隄曲謂此也 按——即今——府附郭縣也寰宇記云荆楚之地水駕山而上者皆呼為襄其名為無定故陸澄吳址記謂——無襄水則應氏之說亦未的矣水經注復宗之非是其地去江陵陸道五百里勢同輔車無——則江陵受敵故東晉後代為重鎮

莽曰相陽

編

孟康曰音鞭 水經注漳水東南流又屈西南逕——縣南縣舊城在東北一百四十里高陽城西南移治許茂故城

城南臨漳水 晉書音義一音步典反 寰宇記今荆門
軍長林縣卽漢一縣地 荆州圖經前漢南郡臨沮當
陽一縣皆荆門之地而一乃今長林也 大清一統志一
縣故城在今安陸府荆門州西又襄陽府南漳縣有亦一
縣故城乃晉隆安五年所移治之縣非漢縣也
有雲夢宮

大清一統志雲夢宮在今荆門州西 新校地理志今江
南自枝江縣而東爲松滋公安石首江北自荆州府而東
爲監利沔陽漢水以西南爲潜江東北爲鍾祥京山天門
雲夢孝感羣水豬焉皆曰古雲夢也故一西陵並有雲夢
宮

莽曰南順

穉歸歸鄉故歸國

春秋僖二十六年楚人滅夔以夔子歸杜注夔楚姓國今
建平一一縣 史記楚世家文王三十九年滅夔夔不祀
祝融鬻熊故也服虔曰夔楚熊渠之孫熊摯之後在巫山
之陽一一鄉是也 孟康曰紉音姊 荆州記縣北一百
里有屈平放宅方七頃累石爲屋基今其地名樂平宅東
北有女須廟 宜都記一一蓋楚子熊繹之始國而屈原
之鄉里也 水經注江水又東逕一一縣南又東逕其城
北城北對丹陽城南枕大江楚子熊繹始封丹陽之所都
也縣東北數十里有屈原舊田宅縣北一百六十里有屈

原故宅宅之東北六十里有女嬃廟擣衣石在焉袁山松
因事立證恐非名縣之本旨 又云江水又東南經夔城
南故歸子國也樂緯曰昔歸典叶聲律宋忠曰歸卽后夔
歸鄉蓋夔鄉矣 輿地志——縣東八里有丹陽城周回
十二里熊繹始封也 後書和帝紀注——縣古之夔國
今歸州也袁山松曰屈原此縣人旣被流放忽然暫歸其
姊亦來因名其地爲姊歸也秭亦姊也 通典今歸州所
理——縣漢陽縣昔周成王分楚熊繹初都丹陽今東南
故城是也後移枝江亦曰丹陽 史記索隱譙周作楚滅
歸歸卽夔之地名歸卿也 寰宇記今歸州——興山二
縣及夔州大昌縣並漢——縣地夔子城今在歸州東

地理通釋熊繹初封丹陽今——縣東南七里故城是也
大清一統志——故城卽今宜昌府歸州治丹陽城在
州東亦稱王楚城 按春秋時夔國卽今湖北宜昌府之
歸州歸卽夔也若四川之夔州府乃遙取夔國爲名實非
其地

夷道

應劭曰夷水出巫東入江 水經注江水又東南過——
縣北夷水從佷山縣南東北注之注云漢武帝伐西南夷
路由此出故曰夷道桓温父名夔改曰西道爲二江之會
也夷水又東北逕——縣北又逕宜都北東入大江有涇
渭之比亦謂之佷山北溪其水所經皆石山畧無土岸其

水虛映俯視遊魚如乘空也 通典今荊州宜都縣漢

一縣故城在今縣西 寰宇記故一一縣城在今峽州宜

都縣東五十里 大清一統志一一故城在今荊州府宜

都縣西北

莽曰江南

州陵

左傳桓十一年鄭人軍於蒲騷將與隨絞州蓼伐楚師杜

注州國在南郡華容縣東南 史記楚世家考烈王元年

納州于秦以平集解南郡有一縣 水經注長洋港又

東北流逕石子岡岡上有故城即一一縣之故城也莊辛

所言左州侯國矣 晉書地理志一一楚嬖人一侯所邑

方輿紀要一一城在荊州府監利縣東三十里 大清

一統志一一故城在今漢陽府沔陽州東南

莽曰江夏

若楚昭王畏吳自郢徙此後復還郢

左傳僖二十五年奉晉伐都杜注都本商密秦楚界上小

國其後遷于南郡都縣正義曰言本在商密者據在後移

都稱舊都以為本耳其實此時在商密後始遷於都縣國

至彼縣而滅故彼縣專以都名當此秦晉伐都之時國名

為都所都之邑名商密楚以申息之師戍商密者正謂戍

都國也 又定六年令尹子西遷郢於都而改紀其政以

定楚國 史記楚世家昭王十二年吳復伐楚楚恐去郢

北徙都都 字林都楚邑楮斫反 水經注沔水又逕都縣故城南故都子之國也秦楚之間自商密遷此爲楚附庸楚滅之以爲邑其城南臨沔津北有大城卽楚昭王爲吳所迫自紀郢徙都之所謂郢都盧羅之地也秦以爲縣括地志楚昭王故城在襄州樂鄉縣東北三十三里去故都城東五里 元和志襄州樂鄉縣本春秋都國之城在縣北三十七里都國故城是也在漢爲一縣地 韓愈宜城驛記楚昭王廟後有小城蓋王居也其內處偏高廣圓八九十畝號殿城當是王朝內之所也多甃可爲書硯曾鞏韓公井記跋楚故城今謂之故牆城改爲牆者由梁太祖父召試當時避之故至今猶然 輿地廣記故都

國爲楚所滅昭王自郢遷焉後復還郢唐改爲樂鄉 方輿紀要一城在今宜城縣東南九十里 大清一統志一縣故城在今襄陽府州城縣東南楚王城在宜城縣南府志以爲在東北誤矣

巫

戰國策蘇秦曰楚西有一郡 史記秦本紀昭襄王三十年伐楚取一郡及江南爲黔中郡 應劭曰巫山在縣西南 水經注江水又東逕一縣故城南縣故楚之巫郡也 秦省郡立縣以隸南郡緣山爲墉周十二里一百二十步 東西北三面皆帶傍深谷南臨大江故夔國也又東逕巫峽杜宇所鑿以通江水郭仲產曰地理志巫山在縣西南

而今縣東有巫山將郡縣居住無恒故也 通典今夔州
巫山縣楚置巫郡秦漢爲南郡一縣故城在今縣北有巫
山及高郁山卽楚詞所謂巫山之陽高邱之阻也 元和
志今施州清江建始二縣在春秋爲巴國之界七國爲楚
巫郡之地秦屬黔中郡漢爲巫縣之地一縣卽今夔州一
山縣是也 寰宇記巫山縣在夔州東南七十二里故城
在今縣北 方輿紀要巫山在夔州府巫山縣東三十里
亦曰巫峽爲三峽之一長一百六十里所謂巴東三峽巫
峽長也戰國策蘇秦說楚威王口西有黔中巫郡蓋郡據
巫山之險因以山名也蜀人以其在蜀地東亦謂之東峽
云 大清一統志一縣故城在今夔州府巫山縣東巫山

亦在縣東

夷水東至夷道

屬本郡

入江

水經夷水出巴郡魚復縣東南過佷山縣南又東過夷道
縣北東入於江注云夷水卽佷山清江也水色清照十分
沙蜀人見其澄清因名清江昔廩君浮土舟於夷水據捍
關而王巴卽此 通典施州清江縣西有都亭夷水所出
一名清江 晏殊類要清江水漢一縣地今夔州府巫山
縣也江在州北一里源在出都高山本名夷水 名勝志
晉桓公河在荊門州鷄鳴澗北卽夷水也桓温父名夔因

改名蠻河唐王建荆門行去喚起官程渡蠻水卽此方
輿紀要蠻水源出鄖陽府房縣界流經南漳縣至襄陽府
宜城縣南四十里地名破河腦入于漢江本名鄖水其後
曰夷水桓温以父嫌名改曰蠻水 大清一統志夷水源
出思南府施縣西北羅鍋堰東南流逕縣東北又東流入
夔州府建始縣界又東流入宜昌府長陽縣界又東流入
荊州府宜都縣界今名清江府志云清江至白巖鋪入宜
都縣界過蘄塘灣市至清江口入江 水道提綱清江源
出施南府西北境與四川之石龍關東交界之山東南至
恩施縣北又東南經府城東北又東南至宜都縣城西北
會漢陽河東人大江卽古夷水也行六百餘里受數縣諸

小水無數

水經注釋按應劭曰夷山在夷陵西南又云

夷水出巫東入江然夷水之源最遠方輿紀要云源出蠻

水南流名柘林漢經天池洛浦名黔黎溪南至金洞唐崔

入黔江縣名黔江又云黔江自貴州思州之上費溪發源

經五十八節名灘至黔州境分流入黔江縣界爲施州江

入湖廣施州衛謂之清江是也水源之遠如此是以善長

不記其所出而以佷山清江爲限至應劭所云東山似同

夷水得名大類常璩漾山漾水之殊目不足爲據江水篇

經云江水又東南過夷道縣北夷水從佷山縣南東北注

之注云夷道縣爲二江之會是夷水出江入江而腦胡明

云禹循江而南且東以至於巫山乃不出三峽而並夷水

以東且南逾澧水沅水以至於衡山導江云東別爲沱又東至于澧則不經三峽可知又云夷水首出魚復江尾入宜都江行五百餘里是亦荊州之沱也古時自巴入楚避三峽之險皆由此路史記張儀說楚王曰秦西有巴蜀大船積粟起於汶山浮江以下至郢三千餘里舫船載卒一日行三百餘里不至十日而拒捍關捍關驚則從境以東盡城守矣黔中巫郡非王之有此言舟師自夷水以入楚也楚世家肅王四年蜀伐楚取茲方于是楚爲捍關以拒之水經注江水自江關東逕弱關捍關蓋大江出三峽經弱關江沱出佷山經捍關割然兩道儀言浮江以下拒捍關則不經巫峽明矣夷水受江處不知何時日就湮塞後

漢建武中公孫述遣將田戎等乘枋算下江關拔夷道夷陵光武命岑彭吳漢伐之沂江而上則皆取道於三峽而不復由夷水矣蓋其時水已淺狹不勝戰艦自後荆梁用師未有不由峽江者然酈注云河築裁得通船則後魏時猶在下逮唐初建始之北遂成斷港故章懷注西南夷傳寰宇記明一統志不復知此水出西北奉節之大江而以爲西南施州衛之山源然自漢志已不言首受江未知何故班氏疎畧頗多水經注源委詳明而又有張儀之言爲證無可疑者禹導江自梁入荆必浮此水也東樵此言較宛溪爲覈然則夷水乃跨有荆梁之沱禹貢所記二州指此已脩紛紛鄆江至輪江鄆枝江皆後起之名耳

過郡二行五百四十里

過巴郡南郡

有鹽官

水經江水又東過一縣鹽水從縣東南流注之注云巫溪水南有鹽井鹽水下通巫溪溪水於是兼鹽水之稱矣

隋書地理志清江郡有鹽水縣後周置 寰宇記大寧監

本夔州大昌縣前鎮煎鹽之所在縣西六十九里 晏殊

類要山嶺峭壁之中有鹽泉湧出土人以竹引泉置鑊煮

鹽

高成

通典今荊州松滋縣本漢一一縣地 方輿紀要一一故

城在今松滋縣東三十里 大清一統志一一故城在今

荊州府松滋縣南

滄山滄水所出東入緜緜水南至華容

屬本郡

入江

山海經宜諸之山滄水出焉南流注於漳郭注今滄水出

南郡東滄山至華容縣入江也 說文滄水出南郡一一

滄山東入緜从水危聲 又云油水出武陵孱陵西東南

入江从水由聲 水經油水出武陵孱陵縣西界東過其

縣北又東北入於江 水經注漳水又南滄水注之滄水

出一縣滄山東逕其縣下東至孱陵入澧水 又云江

過郡二行五百四十里

過巴郡南郡

有鹽官

水經江水又東過一縣鹽水從縣東南流注之注云巫溪水南有鹽井鹽水下通巫溪溪水於是兼鹽水之稱矣

隋書地理志清江郡有鹽水縣後周置 寰宇記大寧監

本夔州大昌縣前鎮煎鹽之所在縣西六十九里 晏殊

類要山嶺峭壁之中有鹽泉湧出土人以竹引泉置鑊煮

鹽

高成

通輿今荊州松滋縣本漢一一縣地 方輿紀要一一故

城在今松滋縣東三十里 大清一統志一一故城在今

荊州府松滋縣南

滄山滄水所出東入緜緜水南至華容

屬本郡

入江

山海經宜諸之山滄水出焉南流注於漳郭注今滄水出

南郡東滄山至華容縣入江也 說文滄水出南郡一一

滄山東入緜從水危聲 又云油水出武陵孱陵西東南

入江从水由聲 水經油水出武陵孱陵縣西界東過其

縣北又東北入於江 水經注漳水又南滄水注之滄水

出一一縣滄山東逕其縣下東至孱陵入澧水 又云江

水又東近孱陵縣之樂鄉城北縣有白山石油水所出東
逕其縣西與滄水合又逕公安縣西又北流注於大江
師古曰滄音危繇讀曰由 寰宇記滄山今在荊州松滋
縣 又云油水一名白石水在今公安縣 名勝志滄山
卽今之高山也 江陵志油河在公安縣西九十步出施
州由松滋入江 大清一統志起龍山古名滄山在今荆
州府松滋縣西南八十里滄水所出南河出山南北河出
山北合而東流入王家湖至公安縣界入油河今名梅谿
河 又云油水在今荊州府公安縣西自松滋縣流入油
古作繇一名白石水今名油河
過郡二行五百里

過武陵南郡

莽曰言程

漢書地理志補注卷十六

常熟 吳卓信 編纂

江夏郡

應劭曰沔水自江別至南郡華容爲夏水過郡入江故曰

——後書光武紀注——故城在今安州雲夢縣東

南 通典——自春秋以來皆屬楚有江漢二水 元

和志雲夢縣東南潁水之北有——故城周數里據山川

言之此城南近夏水餘址寬大則前漢——所理也

寰宇記——故城漢爲郡城在今雲夢縣東南 輿地記

勝其地跨大江南北而夏水注其境故名江夏郡 方輿

紀要——今德水安承天漢陽武昌黃州諸府境皆是

大清一統志漢——治在今德安府之雲夢縣孫吳築城魯山則在今漢陽府漢陽縣之魯山也魏文聘為江夏太守治石陽則在今黃陂縣嘉平中王基表城上王昶徙——治之則又在今德安府界蓋是時吳魏各有——晉既平吳仍魏之舊治于安陸至劉宋之季又移——于江南之夏口城自後無復移易 按漢——今湖北武昌府之江夏武昌二縣及興國州黃州府之黃岡蘄水二縣及蘄州安陸府之天門縣德安府之安陸縣漢陽府之沔陽州又河南汝寧府之羅山縣及信陽州皆其地

高帝置

水經注——高帝六年置 通典秦屬南郡漢高祖分置——地理志稽疑楚漢之間分九江置衡山郡漢因之又分為——見月表及吳芮傳亦見英布傳所以知——舊屬衡山者以吳芮都邾知之也及文帝復置國則都六矣 又云——故屬秦九江楚漢之際屬衡山國仍屬楚國高帝五年屬漢以屬淮南尋分衡山置郡文帝十六年復別屬衡山國武帝元狩元年復故

屬荊州縣十四

西陵竟陵西陽襄邾軹鄂安陸沙羨蘄春鄢雲杜下雉鍾武

西陵

廣韻東故邾國地秦屬南郡漢——縣也隋爲黃州 括
地志——故城在今黃州黃岡縣西二里 元和志今黃
州黃岡黃陂麻城三縣並漢西陵縣地 輿地紀勝今雲
夢縣卽漢西陵縣 方輿紀要——城在黃州府東北百
里 大清一統志——故城在今黃州府黃岡縣西北蘄
水縣西南亦有——城乃三國吳所置水經所謂江水又
東逕——故城南是也酈注以江水所經之西陵卽白起
所取之地者誤 又云明統志舊通志武昌府志皆云漢
江夏郡治沙羨今考後漢郡國志云凡縣名先言者郡所
治也兩漢書江夏郡並先書——可見江夏治——非沙
羨矣 按孫吳時陸抗破步闡及陸遜所守之——乃今

之宜昌府治卽漢南郡之夷陵縣吳破蜀後改爲西陵史
記楚世家秦將白起拔我——卽此非江夏郡之——也
有雲夢宮

輿地廣記按漢志——縣爲江夏郡治而有雲夢宮疑今
安州雲夢縣卽其地也

恭曰江陽

竟陵

史記越世家齊威王使人說越王曰——澤楚之材也索
隱曰言——之山澤出材木也 又白起傳昭襄王三十
年攻楚拔郢東至—— 水經注中水出——縣東一百
九十里西逕——縣北注于楊水謂之中口 後書劉卒

傳注——縣故城在今郢州長壽縣南 元和志今復州
 管下景陵縣漢舊縣也石晉天福初改為景陵故城在今
 郢州長壽縣界——大城是也 輿地紀勝孫宗鑑東臯
 雜錄云渡江至石首始有淺山謂之——者陵至此而竟
 也謂之石首者石自此而首也 吳師道國策補注——
 在郢州長壽縣南今復州亦其地 方輿紀要——故城
 在今沔陽州景陵縣西南 大清一統志——故城在今
 安陸府天門縣西北

章山在東北古文以為內方山

禹貢導嶓冢至於荊州山內方至於大別孔傳內方在荊
 州漢水之所經也 續郡國志立章山本內方 荊州記

內方山高二十丈周回百餘里 水經注沔水自荊城東
 南流逕當陽縣之章山東禹貢所謂內方至於大別者也
 既濱帶沔流實會尚書之文矣 括地志章山在荊州長
 林縣東南六十里漢水附山之東 方輿紀要章山在安
 陸府東四十里古文以為內方山左傳定公四年蔡侯吳
 子唐侯伐楚舍舟於淮汭自豫章與楚夾漢圖經云豫山
 即章山也一名障山晉太安二年華宏討義陽賊帥張昌
 於江夏敗於章山即此 禹貢錐指元和志云內方山在
 沔州漢川縣南九十里漢川今為漢川縣屬漢陽府此別
 是一山寰宇記謂即禹貢之內方非也 地理今釋內方
 山在今安陸府鍾祥縣西周回百餘里接荊門州界 大

清一統志章山在今安陸府鍾祥縣西南接荆門州界即
 內方山一名馬良山又名馬仙山漢志以為在竟陵東北
 括地志通典皆以為在長林蓋是山周百里所屈甚廣故
 也 水道提綱三尖山西自荆門山東北綿連數十里至
 安陸府城西山甚高大其東南為黃土陂山東臨漢江隔
 岸即府城也疑即古內方後人名為章山 漢書商權章
 山鄭康成注作立章山郡國志同不知是別名抑或傳寫
 誤分章字頭別加立字

鄖鄉楚鄖公邑

左傳桓十一年鄖人軍於蒲騷杜注鄖國在江夏雲杜縣
 有鄖城 水經注意陵大城古鄖國也鄖公辛所治所謂

鄖鄉矣

師古曰鄖音云

括地志今安州安陸縣城本

春秋時鄖國城

大清一統志鄖城在今漢陽府沔陽州

境鄖一作妘

莽曰守平

西陽

水經注江水又東逕西陽郡南郡治即——縣也 通典

今黃州所理黃岡縣漢西陽縣地

元和志——故城在

今黃州府黃岡縣東南一百三十里晉初弋陽郡治此

大清一統志——故城在今黃州府黃岡縣東

襄

按本書高帝紀秦二世三年沛公至丹水——侯王陵降臣

清一統志章山在今安陸府鍾祥縣西南接荆門州界卽
 內方山一名馬良山又名馬仙山漢志以爲在竟陵東北
 括地志通典皆以爲在長林蓋是山周百里所屈甚廣故
 也 水道提綱三尖山西自荆門山東北綿連數十里至
 安陸府城西山甚高大其東南爲黃土陂山東臨漢江隔
 岸卽府城也疑卽古內方後人名爲章山 漢書商權章
 山鄭康成注作立章山郡國志同不知是別名抑或傳寫
 誤分章字頭別加立字

鄖鄉楚鄖公邑

左傳桓十一年鄖人軍於蒲騷杜注鄖國在江夏雲杜縣
 有鄖城 水經注竟陵大城古鄖國也鄖公辛所治所謂

鄖鄉矣 師古曰鄖音云 括地志今安州安陸縣城本

春秋時鄖國城 大清一統志鄖城在今漢陽府沔陽州

境鄖一作妘

莽曰守平

西陽

水經注江水又東逕西陽郡南郡治卽——縣也 通典

今黃州所理黃岡縣漢西陽縣地 元和志——故城在

今黃州府黃岡縣東南一百三十里晉初弋陽郡治此

大清一統志——故城在今黃州府黃岡縣東

襄

按本書高帝紀秦二世三年沛公至丹水——侯王陵降臣

瓚曰江夏有一是陵所封索隱云王陵封安國侯是定天下為丞相時封耳此言一侯當如臣瓚解然未審其確也
莽曰襄非

邾

文穎曰音朱 晉書地道記楚滅邾徙其君於此 太康三年地記楚滅一遷其人於江南因以名縣 晉書陶侃傳武昌北岸有邾城 水經注江水又東逕一縣故城南楚宣王滅邾徙居於此故曰一也其地城南對蘆洲亦謂之羅洲 後書順帝紀注一縣故城在今復州景陵縣東 通典邾城臨江與武昌相對 元和志故一城在今黃州黃岡縣東南一百二十里故一國也後為楚所滅漢以為縣 地理通釋今蘄舒黃三州之北有大山綿亘八百里俗呼為西山一城在山之南 大清一統志一縣故城在今黃州府治西北二十里

衡山王吳芮都

史記項羽本紀鄒君吳芮率百越佐諸侯又從入關故立芮為衡山王都邾 漢書商權凡縣之為王都者如江夏郡一縣注云衡山王吳芮都清河郡清陽縣注云王都泰山郡盧縣注云濟北王都桂陽郡彬縣注云項羽所立義帝都此南海郡番禺縣注云尉佗都信都國信都縣注云王都廣陵國廣陵縣注云江都易王非廣陵王胥皆都此可見王都不必定在第一縣其書法詳畧參差并以現在

之王與已往之故王雜錯而書之不必論但王都多矣獨見此七處何也其義例不可曉

軼故弦子國

左傳僖五年楚人滅弦林注弦國在弋陽一縣東南本書功臣侯表高后二年封朱蒼爲一侯 斐駟曰一音大

孟康曰音汰 水經注江水又東逕一縣故城南故弦

國也城在山之陽南對五洲江中有五洲相接故以五洲

爲名漢惠帝元年封長沙相朱倉爲侯國 師古曰一音

徒采反 大清一統志一縣故城在今黃州府蘄水縣西

四十里 按左傳昭三十一年吳圍弦蓋楚復其國也今

湖北黃州府蘄水縣西北有一縣故城爲弦國地又河南

光州西南有弦城蓋因光山縣西有僑置一縣故城而誤

地道記以爲弦子國在西陽非也杜氏通典輿地廣記並

主其說非是 又按說文一車轄也从車大聲來翹音笛

計反白來字書有一無軼集韻始有軼字韻會且引本志

爲證並謬 又按集韻去聲十四太又有馱字云縣名在

江夏更謬

鄂

史記楚世家熊渠立中子紅爲一王熊渠卒長子康早死

子熊摯紅立即一王紅也 江夏記漢高祖析南郡置江

夏郡處於一卽武帝封其姊爲鄂長公主之邑也 元州

要記一今武昌也一王城在武昌縣西南二里 水經注

江水又東逕一縣北右得樊口古岸有一縣故城舊樊楚地太康地記以爲東一矣孫權改一曰武昌一縣徙治子袁山東今武昌郡治城南有袁山卽樊山也城東故城漢將灌嬰所築 括地志武昌縣一王舊都今一王神卽熊渠子之神也 元和志今之州武昌縣舊名一楚熊渠封子紅於此漢以爲縣 寰宇記一王城在今一州西北一百八十里楚子熊渠封中子紅于一僭稱王居此城今武昌是也 方輿紀要一城在今武昌府武昌縣西南二里 大清一統志古一城卽今武昌府武昌縣治

安陸

水經涓水又南過江夏一縣西又東南入於夏注云江

夏郡舊治一故鄖城也因岡爲墉峻不假築涓水逕縣而東分爲二水東通灑水西入于沔謂之涓口 後書劉平傳注一一今安州一一縣也 括地志安州一一縣城本春秋時鄖國城 元和志安州本春秋時鄖國一一卽漢舊縣其城三里西枕涓水 又云今郢州雷水縣沔州漢陽漢川二縣安州孝昌吉陽應城三縣並漢一一縣地 寰宇記今安州一一孝感雲夢應城漢川五縣並漢一一縣地 輿地廣記漢陽軍漢陽縣本漢一一縣 大清一統志一一故城在今德安府一一縣北據漢志鄖鄉在竟陵左傳注鄖國在雲杜今考鄖川雲夢及蒲騷皆在德安府界疑括地元和二志之說爲長

橫尾山在東北

鄭康成曰山若橫尾故名 括地志橫尾山在今安州

一縣北六十里元和志陪尾山一名橫尾山在今一一縣

北六十里 大清一統志橫尾山在今德安府一一縣北

六十里

古文以為倍尾山

朱長孺禹貢長箋凡言至于以相去之遠也太華去鳥鼠

遠故曰至于則陪尾亦應遠矣觀經文導淮自桐栢東會

于泗沂則為徐州之陪尾可知 古文尚書疏證周禮保

章氏疏外方能耳以至泗水陪尾屬瑤光星賈公彥實從

春秋緯文來則漢人早作是解博物志謂泗出陪尾固有

所受之也 禹貢錐指一一縣北橫山漢志所謂陪尾者

淮水曷嘗經此傳誤矣隋志泗水有陪尾山 尚書地理

今釋陪尾山在今山東兗州府泗水縣東五十里按孔傳

淮出桐栢經陪尾今湖廣德安府一一縣北有橫山漢志

所謂橫尾山古文以為陪尾者也淮水不經此山下吳澄

書纂言曰唐志泗水縣有陪尾山泗水出焉蓋此是也以

橫尾為陪尾者非是 殿板尚書注疏考證按漢志誤以

一一橫尾為禹貢陪尾疏引其文以證孔傳獨不思果在

一一是荊州山傳不得云四山相連東南在豫州界矣又

不得云淮出桐栢經陪尾矣以陪尾為淮所經其誤與衡

山江所經正同 按禹貢熊耳外方桐栢至於陪尾孔傳

云四山相連東南在豫州界淮出桐柏經陪尾正義正引
本志釋之真所謂以誤傳誤矣倍尾禹貢作陪尾倍陪古
通用史記作負尾負讀爲倍猶蒼讀爲倍也

沙羨

晉灼曰羨音夷 荀子強國篇今秦南有——與俱是乃
江南也 水經江水又東北至江夏——縣沔水從北來
注之沔水又南至沙羨縣北南入于江注云庾仲雍曰夏
口一曰沔口 水經注江中有沙陽州晉沙陽縣治也縣
本江夏之——矣 晉書地理志——縣有夏口對沔口
有津 宋書何尚之傳夏口在荆江之中正對沔口 元
和志今鄂州郭下江夏縣及唐年蒲圻二縣並漢——縣

地 丹鉛錄——之美音夷蓋方言耳 方輿紀要——

城在今武昌府治西南 禹貢錐指漢陽縣本漢——縣

地後漢末嘗爲江夏郡治 大清一統志——故城在今

武昌府江夏縣西南或以爲卽夏口城非也——漢縣夏

口城吳孫權始築至晉武帝以後則——縣城始卽夏口

城耳

蘄春縣

說文江夏有——亭 晉灼曰蘄音祈 水經江水又東

過——縣南蘄水從北東注之注云江水自西塞山又東

蘄水注之又東逕——縣故城南 又云蘄水出江夏——

——縣北山南過其縣西又南至蘄口南入於江注云卽蘄

柳也水首受希水枝津西南流厯山出蠻中故以此蠻爲
五水蠻五水卽謂一水希水巴水赤亭水西歸水也一水
南口陽洲入于大江謂之一口 元和志今蘄州治一一
黃梅蘄水廣濟四縣並漢一一縣地 寰宇記地名解云
一一以水隈多蘄菜因以爲名 方輿紀要一一廢縣卽
今蘄州治 大清一統志一一故城在今黃州府蘄州西
北蘄水今名蘄河亦名童子河源出州東北大浮山西南
流合二十六水又西南流合鉛鋤水入赤東湖至州西掛
口入大江 水道提綱蘄水出蘄州東北大浮山有數源
一源西流曰童子河一源西南流曰開口河二河合流曰
兩河口又南分爲二派一東滙爲赤東湖一西南流而合
又西南數十里至州城之北西入江其口對沙洲

郢

左傳定四年吳伐楚自淮涉漢楚左司馬戌請還塞大隊
直轅冥阨自後擊之 戰國策楚弋者對襄王曰王出寶
弓涉一塞而待秦之倦 史記信陵君傳說安僖王曰秦
不敢攻冥阨之塞 淮南地形訓天下九塞楚有澠阨
字林一芒耿反 蘇林曰一音盲 徐廣曰冥或爲一今
江夏一縣 水經注澠水又東逕石城山北山甚高峻史
記曰魏攻冥阨音義冥阨在一縣舊地又逕一縣故城南
師古曰一音萌又音莫耿反 晉書音義一武庚反
史記正義申州羅山縣本漢一縣有平靖關蓋卽古一縣

之阨塞 元和志今申州鍾山羅山二縣並漢一縣地
方輿紀要一縣城在信陽州羅山縣西南黃峴關外 大
清一統志一縣故城在今汝寧府羅山縣西南九里卽春
秋楚之冥阨地 按古字一冥聲相近一與澠亦通用漢
一縣故城卽今汝寧府信陽州東南八十里羅山縣西南
九里之平靖關也

雲杜

本書王莽傳地皇元年南郡張翳江夏羊牧王匡等起一
一綠林號曰下江兵 應劭曰左傳若敖取于邾今邾亭
是也 韋昭國語注禹貢雲土夢作又雲土今爲縣屬江
夏 水經沔水又東南過江夏一一縣東夏水從西來注

之注云縣故邾亭左傳所謂若敖娶於邾是也禹貢所謂
雲土夢作又故縣取名云縣有雲夢城在東北 晉書地
理志一一故雲子國 後書劉彥傳注一一故城在今復
州沔陽縣西北 元和志今郢州京山縣本漢雲杜縣地
方輿紀要一一城在今沔陽州景陵縣東南王莽地皇
二年綠林將王匡等敗莽兵于一遂攻拔竟陵 大清
一統志一一故城在今漢陽府沔陽州西北 又云按古
邾國括地志元和志俱以爲在安州水經注以安陸縣爲
古鄭城而竟陵一一亦以爲古鄭國諸說互異 按雲邾
鄭湏古並通用蓋一字也禹貢雲土夢作又國語楚有藪
曰雲連徒州杜卽土亦卽徒也皆字之通耳

下雉

史記淮南王傳伍被曰守——之城絕豫章之口 如淳曰雉音羊氏反 按南陽郡有雉縣故此加下 水經注水又東過——縣北利水從東陵西南注之注云江水又西北逕——縣江水左傍青林湖即利水也水出廬江郡之東陵鄉江夏西陵縣故是言東矣尚書云江水過九江至於東陵者也 元和志——故城在今永興縣東南一百四十里永興本鄂縣 方輿紀要——城在今興國州東南一百四十里 大清一統志——故城在今武昌府興國州東南州志云今州東昌平鄉下洋有——潭 莽曰閭光

按水經注作潤光

鍾武

水經注瀡水又東逕——縣故城南 後書臧宮傳注——故城在今申州鍾山縣西南 寰宇通志故——縣在今汝寧府信陽縣南臧宮狗——竹里皆下之即此 大清一統志——故城在今汝寧府信陽州東南

侯國

本書王子侯表——節侯度宣帝元康元年以長沙頃王子封漢書考異志有兩——縣一屬零陵一屬江夏度為長沙頃王子其初封必在零陵之——而志以江夏之——為侯國蓋後來徙封也

莽曰當利

漢書地理志補注卷十七

常熟 吳卓信 編纂

廬江郡

方輿紀要——今廬州府南至安慶府境是其境 按

漢——今安徽安慶府之桐城潛山太湖宿松四縣廬

州府之廬江巢舒城三縣及無為州六安州之霍山縣又

湖北黃州府之黃梅縣河南光州之商城縣皆其地

故淮南文帝十六年別為國

方輿紀要漢高帝七年封兄子信為頡羹侯食邑于舒文

帝十六年分淮南為廬江國封淮南厲王子賜為廬江王

居舒元狩初復為郡 地理志稽疑——故屬秦九江

郡楚漢之際分置郡屬九江國高帝五年屬漢仍屬淮南
國文帝十六年別爲廬江國景帝三年 故班志不特不
知廬江爲漢初所置亦并失去景帝徙 復郡之 金
榜西漢郡國考按胡三省通鑑注云文帝初分淮南爲廬
江國在江南廬江水出陵陽東南而北入于江陵陽屬丹
楊郡若班志之——其地盡在江北今據淮南厲王傳
廬江王賜以邊越數使使相交徙爲衡山王王江北此廬
江在江南之證胡氏之說非是 按——乃楚漢之間
分秦九江郡所置漢因之見英布傳楊雄自序亦云楚漢
之間興楊李官至廬江太守則以爲文帝始置者實誤
金蘭西北有東陵鄉灌

舊作淮誤

水出

禹貢錐指班志——下云金蘭西北有東陵鄉淮水出
淮當作灌雩婁縣下云淮水北至蓼入決是也 水經江
水東逕西陵縣故城南又東逕下雒縣南刊水從東陵西
南注之酈元云江夏有西陵縣故是言東尚書曰江水過
九江至於東陵者也又云灌水導源——金蘭縣西北東
陵鄉大蘇山蓋漢初實有金蘭縣中廢故志不書晉宋間
復置故酈注據以爲言考蓼縣故城在今河南光州固始
縣北灌水出金蘭縣西北之東陵鄉而東北至蓼縣入決
水則金蘭當在固始之西南南直黃梅之北矣薛士龍以

爲東陵在漢陽蘄州間者非是 新校地理志舊解以巴邱當東陵爲今岳州府地非也江自岳州府下流至九江府過九江始得東陵則不應反在其土此金蘭當在今安慶府境水經注灌水導源——金蘭西北東陵鄉大蘇山然則大蘇山卽東陵也在今光州固始縣南一百五十里淮水卽灌水也

屬揚州

晉書地理志揚州按禹貢淮海之地舜置十二牧則其一也周禮東南曰揚州春秋元命包方牽牛流爲揚州分爲越國以爲江南之氣躁勁厥性輕揚亦曰州界多水水波揚耳于古則荒服之國戰國其地爲楚分

廬江出陵陽

屬丹揚郡

東南北入江

山海經廬江出三天子都入江 水經廬江水出三天子都北過彭澤縣西北入于江 新校地理志陵陽在今池州府青陽縣南五十一里廬江卽今之清弋江也水經廬江水出三天子都北過彭澤縣西北入于江蓋卽此水而酈道元以長沙國之廬水當之誤矣按海內東經廬江出三天子都入江下釋云彭澤西此彭澤非九江郡彭澤縣也丹揚郡宛陵縣有彭澤聚是此彭澤耳水經衍一縣字而誤以長沙國之廬水當廬江更以潯陽之廬山當三天子

都不知漸江水出三天子都與此同發一地漸江出三天子都在今黟縣廬江出三天子都在今太平縣相去密邇彭澤聚在宛陵西南則爲今寧國縣西境地聚在東江在西則爲清弋江無疑矣惟是清弋江有三源惟中源出太平縣南山卽黟山亦曰黃山爲廬江之正源今日舒溪其東源出旌德縣東鳧山今日梅溪者則卽清水也亦曰涇水西源出石埭縣分水嶺今日陽溪者則又廬江之別源也下流統名之曰清弋江亦曰魯陽江于蕪湖縣南入江古字廬魯聲同故轉廬爲魯與舒亦同又轉爲舒耳後世存清弋之名而無廬江之目遠求之而莫得其實是爲巨謬矣

有樓船官

按武帝以揚仆爲樓船將軍擊南越東越故置官于此

縣十二

舒居巢龍舒臨湖雩婁襄安樅陽尋陽潛皖湖陵邑松茲舒故國

魯頌荆一是懲 左傳僖三年徐又取一杜注一國今廬

江一縣 又文十二年羣舒叛楚杜注羣一偃姓一鳩一

庸之屬廬江有一城一城西南有龍一 又宣八年楚人

滅一蓼杜注 蓼二國名正義曰二國當作一國蓋轉寫

之誤 本書循吏傳朱邑少時爲一桐鄉嗇夫 玉篇舒

始居切 後書光武紀注一縣故城在今廬州廬江縣西

集韻一鄉名在廬江通作一 趙鵬飛曰一同宗而異
 國故謂之羣舒舒蓼一庸一鳩皆一也杜氏以舒蓼為二
 國然則一庸鳩亦豈二國乎 大清一統志一縣故城在
 今廬州府廬江縣西縣志云有大城在縣西南三十里
 又云按舊說及府縣志皆以舒城為古一縣而以廬江為
 古龍一考之蕭齊志廬江郡一縣注建元二年為郡治隋
 書廬江縣注齊置廬江郡梁置湘州據隋志所云置郡之
 地與齊志合是一與廬江皆為郡治而今之廬江即古之
 一縣明矣又按漢志廬江郡所領有一龍一二縣左傳文
 十二年杜預注今廬江南有一城舒城西南有龍舒明是
 一縣在東龍一在西今一城在廬江之西則一城之為龍

一尤為明證且其縣唐時所置上取古一城為名後人泥
 其名以為即古一縣遂反以廬江為龍一誤矣

莽曰昆鄉

居巢

尚書成湯放桀於南巢 書序巢伯來朝芮伯作旅巢命
 春秋文十二年楚人圍巢杜注巢吳楚間小國也廬江
 六縣東有一一城 又昭四年楚使遠啟疆城巢 又二
 十四年吳人滅巢 史記楚世家太子建母在一一 又
 項羽本紀一鄭人范增韋昭國語注桀奔南巢揚州地巢
 伯之國也今廬江一一縣是 皇覽廬江郭東一一亭中
 有亞父井吏民親事皆祭亞父子一一廳上 水經沔水

與江合流又東過彭蠡澤又東北出——縣南注云古巢
國也 括地志廬江巢縣有巢湖卽尙書成湯放桀於南
巢者也 通典今廬州巢縣漢——縣也古巢伯之國湯
放桀於南巢卽此 元和志巢湖在巢縣西五十里周回
五百里 寰宇記古巢城在桐城縣南六十五里俗號爲
古重城春秋但名東後爲——蓋詞有詳畧耳後陷爲巢
湖湖去縣十五里水自合肥經過一名蕪湖或作樵湖
輿地紀勝古巢湖水北合於肥河故魏窺江南則循渦入
淮自淮入肥自肥而達巢湖吳人欲撓魏亦必由此厥後
肥河堙塞不復通於巢湖 名勝志巢廬乃江淮不派南
臨江湖受水患爲甚古名——取下者爲巢之義 方輿

紀要巢湖在廬州府東五十里亦曰焦湖亦曰漢湖周四
百餘里占合肥舒城廬江東四縣之境——山在巢縣西
南八十里谿谷間有石研如墨因名墨山 大清一統志
——故城在今廬州府巢縣東北五里舊志云有桀王城
在縣治卧牛山北巢湖在今合肥縣東南六十里廬江縣
北七十里舒城縣東北一百三十里巢縣西十里周回四
百餘里港汊大小三百六十納諸水以注大江爲淮西巨
浸 水道提綱巢湖在廬州府合肥縣南境廬江縣北界
東西廣百餘里南北八十餘里形稍方中有姥山孤山近
西岸爲江北巨澤周回百里自合肥南界諸水皆滙注之
其上源則肥水及舒城縣之巴洋河也 按項羽本紀巢

作鄭晉灼音勦絕之勦師古曰居鄭縣名音巢字亦作巢
孫權於此築濡須塢曹操四越巢湖不成即此

龍舒

應劭曰羣舒之邑 寰宇記一一故城在今廬州廬江縣

西一百二十里一一山在縣西一百里一一水在縣南三

里 方輿勝覽一一山形如卧龍故又名龍眠山在安慶

府桐城縣西北六十里又屬廬州之舒城縣 大清一統

志漢一一縣至東晉末廢唐開元中後于此置舒城縣即

今廬州府舒城縣也龍眠山在縣西北南八十里古一一

山也按安慶府桐城縣界

臨湖

名勝志漢一一縣在今無為州西南六十里濡須瀾水之

交 方輿紀要一一城在今無為州西南七十里今為一

一鎮 大清一統志一一故城在今廬州府無為州西南

州志云一一廢縣今為一一圩在州西南八十里臨壁

山下

雩婁

左傳襄二十六年楚子秦人侵吳及一一聞吳有備而還

杜注一一今屬安豐郡 又昭五年楚使薳啟疆待命于

一一以備吳 史記吳世家餘祭十二年楚伐吳至一一

服虔曰一一楚之東邑 晉書地道記一一在安豐縣西

南 師古曰雩許于反婁力于反 晉書音義雩况于反

寰宇記廢——縣在今壽州霍邱縣西南八十里 大
清一統志廢——縣在今光州商城縣東北 按淮南子
云楚相孫叔敖決期思之陂灌——之野期思陂即芍陂
在今河南光州固始縣境——地在今安徽潁州府霍邱
縣西南蓋二邑相隣並也水經注云——故吳地此誤傳
文本云知吳有備而還是未入吳境也又為叔敖陂水所
溉其為楚地明矣當以服氏之說為確

決水北至蓼

屬六安國

入淮

說文廬江有決水出大別山从水夬聲 水經決水出廬

江——縣大別山北過其縣東又北過安豐縣東又北入
於淮注云其水歷山委注而絡其縣西北流逕蓼縣故城
東又逕其北又西北灌水土注之又北在會陽泉水又北入
于淮俗謂之決口非也斯決灌之口矣 寰宇記決水在
今廢——縣城南屈曲至光州固始縣入淮 大清一統
志決水源出河南光州商城縣之牛山名牛山河東北流
固始縣東南名史河又東至江南潁州府霍邱縣界入淮
又有灌水土亦北至蓼

見上

入決

說文灌水土出廬江——北入淮从水萑聲 水經注灌水土

導源廬江金蘭縣西北東陵鄉大蘇山卽淮水也俗謂之
澮水東北逕蓼縣故城西而注決水決水又北入于淮俗
謂之澮口 寰宇記大灌水在固始縣西四十里亦曰澮
水又有小澮水 大清一統志灌水自商城縣流入固始
縣界名石槽河北流合史河入于淮 段氏說文注澮水
卽灌水灌澮聲相倫習俗害真爾

過郡二行五百一十里

過廬江六安二郡

襄安

九域志無爲州有——鎮卽漢故縣也 續通典無爲軍
本曹縣之無爲鎮曹操攻吳築城於此無功而還因號無

爲軍本漢——縣地也 大清一統——故城在今廬州

府無爲州南州志云在州南四十里西對臨湖東下繁昌
莽曰廬江亭也

樅陽

本書武帝紀元封五年冬自尋陽浮江親射蛟江中獲之
薄——而出作盛唐——之歌師古曰樅音干松反又音
七容反 元和志——水出桐城縣東南硤石山東南入
于江 寰宇記——故城在今舒州桐城縣東南一百里
——湖東桐城縣東一百五十里 名勝志引水經注云
——湖水遶團亭與江水合而東流 方輿紀要——河
在桐城縣東南一百二十里其源自懷寧縣界之運湖引

流入界經縣南一百三十里爲石塘湖又東流繞——故
城曰——河府西北境諸水及縣東北諸水皆流入焉達
於大江 禹貢錐指桐城在安慶府東北一百二十里春
秋時桐國漢置——縣史記秦始皇白雲夢浮江渚下觀
籍柯括地志云在同安縣東隋改——曰同安也漢書武
帝自尋陽浮江薄——而出今縣東南有射蛟臺 大清
一統志——故城在今安慶府桐城縣東南舊志云今有
——上下鎮在縣東南一百二十里西去府城六十里——
——河今日練潭河 水道提綱——水有數源東北曰魯
王河出桐城縣東北二硤關西北山東南流至縣東南又
南流至懷寧縣界會倒流河掛車河三安河沙河諸水又

東南經桐城東南界——鎮之西入大河江 按——續
志無之蓋爲世祖所省并然據太平御覽引謝承後漢書
稱劉駒駮除——長駒駮仕於鄧太后時是安帝之世尙
有——矣又晉書陶侃傳稱侃初領——令而晉志亦無
——縣實不可解至蕭梁時復置——縣并置——郡陳
因之隋開皇十八年乃改置同安縣唐更曰桐城至今因
之

尋陽

宋書州郡志尋水入江因水以爲縣 廬山記——縣在
大江北尋水之陽也咸和以後始移於江南 尋陽記今
蘄州界古蘭池城亦謂之尋水城卽漢——縣也 通典

今江州潯陽縣漢舊縣在江北今蘄春郡界晉溫嶠始移治于江南 地理通釋晉惠帝永興初分廬江武昌立一郡治豫章之柴桑而一一之名亂成帝咸和中移江州治一一而江南之一一著江北之一一益晦久之遂廢一一入柴桑 大清一統志一一故城在今黃州府黃梅縣北 又云按漢時一一縣本在江北今湖北黃梅縣界晉時移郡治柴桑義熙八年又省一一入之自是以後皆以郡治之柴桑爲一一而江北之一一始晦隋廢柴桑于益口故城改置一一縣唐因之於是以湓口爲一一而名益湓湓口在六朝爲江濱鎮守要地其地則屬柴桑柴桑乃一一郡治至隋時始移一一之名於湓口後人不知多混而爲一

禹貢九江在南皆東合爲大江

戰國策秦破荆襲郢取洞庭五瀦 史記魏世家吳起曰

三苗氏左洞庭右彭蠡 後書南蠻傳吳起相悼王南并

蠻越遂有洞庭蒼梧 中山經洞庭之山帝之二女居之

是常游於江淵澧沅之風交蕭湘之浦是在九江之間出

入必以飄風暴雨 水經九江在長沙下隼縣西北注云

江水又東至下隼縣北澧水沅水合而東流注於洞庭之

陂湘水從南來注之所謂江水會者也 朱子九江辨九

江若云派別爲九則江流上下洲者不一今所計以爲九

者若必首尾短長均布如一則橫斷一節縱別爲九一水

之間當有一洲九江之間沙水相間乃得十有七道於地將無所容若由參差取之不必齊一則又不知斷自何許而數其九也况洲渚出沒其勢不常江陵先有九十九洲後乃復生一洲是豈可以爲地理之定名乎此不可通之妄說也若曰旁計橫入小江之數則自岷山以東入於海處不知其當爲幾千百江矣此又不可通之妄說也且經文言九江孔殷正以見其吐吞壯盛浩無津涯之勢决非尋常分派之小江之可當又繼此而後及夫沱潛雲夢則又見其决非今日江州甚遠之下流此又可以證前二說者爲不可通之妄說也惟國初胡秘監口近說晁詹事說之皆以九江爲卽今洞庭湖其說極是 蔡氏書傳九江卽今之洞庭也水經言九江在長沙下隽西北楚地說記曰巴陵瀟湘之淵在九江之間今岳州巴陵縣卽楚之巴陵漢之下隽也洞庭正在其西北則洞庭之爲九江審矣今沅水漸水無水辰水敘水白水澧水資水湘水皆合於洞庭意以是名九江也 地理通釋洞庭湖在岳州巴陵縣西南一里五十步廣圓五百餘里與青草湖相達青草在南洞庭在北薛氏云洞庭卽巴邱也合沅湘諸水至岳州巴陵縣入江湖氏晁氏皆以九江爲卽洞庭九江在下隽縣此正荊州之地與禹貢合漢志沅漸無辰敘白澧湘資水左合洞庭而北入于江 今水經洞庭湖在岳州府城西南一名九江沅漸無辰敘白澧資湘九水皆合也又

沅資湘最大皆自南而入荆江自北而過洞庭瀦其間名爲五瀦 方輿紀要九江卽今之洞庭湖在岳州府城西南一里以沅漸無辰叙白澧資湘九水所會故曰九江今大江橫過洞庭之口又東引而北出九江之水灌輸焉卽過九江之謂矣 禹貢錐指劉歆以湖漢九水爲九江此九水者同注彭蠡以入大江謂之九江亦可然彭蠡揚州之澤而指爲九江則荆之水而移於揚矣其可乎禹貢之九江洵非洞庭不足以當之既有山水二經爲據又得朱子之辨其不在一一亦明矣 又云巴陵臨江而金蘭之東陵去江六百餘里安得云至於東陵一非也江自巴陵以東至沙羨卽迤北使九江在一一東陵在金蘭則是先迤北而後至於東陵二非也書江漢朝宗於海盡之矣而復於其下書九江孔殷不亦贅乎三非也朱子之辨昭昭若揭日月敢以是爲爇火之助云 又云周禮荊州無九江蓋已包在藪澤雲夢之中矣然自是九江之名遂不著故或稱江南之夢或稱洞庭之渚或又稱巴邱湖郭璞爾雅注云雲夢今華容縣南巴邱湖是也後世旣不知洞庭爲九江見一一江中多沙水相間處遂指其九派爲九江而導山導江之文義皆不可通矣太史公不敢言山海經然其中亦有可信者如謂澧沅瀟湘在九江之間賴此一言而九江遺迹猶可推尋其有造於禹貢不小也 尙書地理今釋九江卽洞庭湖在今湖廣岳州府巴陵縣西南

北接華容安鄉二縣西南接常德府龍陽府縣東南接長沙府湘陰縣界爲湖南衆水之滙 大清一統志洞庭湖在今岳州府巴陵縣西南宋儒以爲禹貢九江也爲湖南衆水之滙巴陵居其東華容及澧州之安鄉二縣居其北常德府之龍陽縣居其東西南沅江縣居其南長沙府湘陰縣居其東南每夏秋水漲周迴八百餘里沿邊諸湖并合而爲洞庭至冬春水落衆湖俱涸則退爲洲汊溝港皇朝文獻通考按禹貢荊州先之以江漢朝宗而卽繼之九江孔殷水經謂九江在長沙下隽縣西北楚地記謂巴凌瀟湘之淵在九江之間至宋儒胡旦及朱子等皆以爲卽洞庭湖蓋長江爲四瀆之長古稱天塹實當今之湖北

境洞庭爲五湖之長古稱天險實當今之湖境必九江治而後荆之全境始底於作乂也 皇朝通志洞庭湖亘岳州常德荊州三府澧州一州巴陵臨湘監利沅江鹽陽安鄉華鄉華容八縣周回八九百里至岳州府西北入於大江 水道提綱洞庭湖在岳州府治巴陵縣西南境一名青草湖又名赤沙湖實一水也周回八九百里爲海內藪澤之冠 按九江之說孔安國班固郭璞並謂大江分爲九派故張監一一記東史寰宇記李宗諤九江圖所列九江之名相同孔氏書正義賈耽十道四番志張須元九江圖羅泌路史名雖不同而江分九派之說則一鄭康成則謂九江各自別源下流始合於江劉歆則以湖漢九水同

注彭蠡而入大江故謂之九江傳寅又謂九江實一江而名九江如太湖實一湖而名五湖竊以為皆非也九江若即是大江則上文既云江漢朝宗於海不應下文又復出九江且導江之文不曰播為九江而曰過九江則九江非即大江所分其源委各別而大江特過之可見矣若如張僧監諸人所數沿江枝浦愈取愈多不難累加而至千百何但九派如專指一一說則一一乃揚境而非荆地故曾氏彥和以為東陵即巴陵九江者一沅二漸三滄四辰五淑六白七澧八湘九資也並在澧州之下巴陵之上而不在一一其說最當朱子取之蔡傳從之實不刊之論矣

灑

左傳昭二十七年吳公子燭庸帥師圍一杜注一楚邑在廬江六縣西南 又三十一年吳人侵一六楚左尹戌帥師救一吳師還楚遷一於岡南 應劭曰音若潛 文賴曰音涔 晉灼曰音潛 續志作潛 水經注希水出一縣霍山西麓山北有一縣故城一者山水名也開山圖一山圍繞大山為霍山郭景純曰一水出焉縣即其稱矣 通典今壽州霍山縣漢一縣也 史記正義一縣故城在今霍山縣東二百步 大清一統志一縣故城在今六安州霍山縣東北舊志云在縣東北三十里

天柱山在南有祠

爾雅釋山霍山為南嶽郭注即天柱山一水所出 史記

封禪書武帝登禮一之天柱山號曰南嶽置祠 本書郊
祀志宣帝神爵元年定制祀南嶽一山于一 應劭曰南
嶽霍山在一 文穎曰天柱山在一縣有祠 三國志張
遼傳一中有天柱山高峻二十餘里道險狹步徑裁通
搜神記漢武徙南嶽之祭著廬江一縣之霍山 郭璞爾
雅注霍山在廬江郡一縣別名天柱山漢武以衡山遼遠
因織緯以霍山爲嶽故祭之 徐靈期南嶽記衡山者五
嶽之南嶽也至軒轅乃以一霍之山爲副焉漢武南巡因
衡山遼遠道隔江漢于是乃徙南嶽之祭于一山亦承軒
轅副義 寰宇記霍山一名衡山一名天柱山在今壽州
六安縣南五里漢武以衡山遼遠遂以霍山爲南嶽今其
土俗皆呼爲南嶽泰山至隋開皇九年始以江南衡山爲
南嶽廢霍山爲名山也 圖經一山高七千有二十丈廣
二百五十里周五百里道家以爲第十四洞天 輿地紀
勝圖經云以地言之則曰一山以其皆一也以國言之則
曰皖山以皖伯所封之國而言也以峯言之則曰天柱以
其峯之最高而名之也以嶽言之則曰潛嶽以其爲南嶽
之副也 地理通釋一山在安慶府懷寧縣西北二十里
方輿紀要灄山在灄山縣西北二十里縣直深遠與六
安州霍山縣接界卽霍山矣舊志云一山與皖公天柱三
峯鼎峙層巒疊嶂爲長淮之扞蔽說者皆以一皖天柱爲
三山其實非也蓋以形言之則曰一山謂遠近山州勢皆

伏潛也以地言之則曰皖山謂皖伯所封之國也或謂之
皖公山亦曰皖伯臺以峯言之則曰天柱其峯突出衆山
之上峭拔如柱也名雖有三實一山耳又或謂山南爲皖
山北爲潛雪山盤其東霍山屏其西皆卽一山而強爲之
說耳 按一山一曰霍山一曰皖山又曰天柱山自漢武
元封五年巡南郡至江陵而東登禮置祠以代南嶽故一
稱霍嶽又謂之副南嶽六安霍山在其北安慶一山在其
南二邑皆以此山得名一一霍實無二山也周大夫皖
伯封國亦以此山而名
北山泚水所出北至壽春
屬九江郡

入芍陂

說文淠水出汝南弋陽垂山東入淮从水畀聲 水經泚
水出廬江一縣西南霍山東北過六縣東北入於淮 水
經注地理志曰泚水出泚山不言霍山泚或作淠淠水又
東北逕博安縣泄水出焉又西北流逕六安縣故城西芍
陂出焉 又云淮水又東北淠水注之水出弋陽縣南垂
山西北流出山又東北流注于淮俗曰白鷺水 又云芍
陂上承洛澗水於五門亭東北流逕白芍亭東積而爲湖
謂之芍陂長一百二十許里在壽春縣南八十里楚相孫
叔敖所造北流入壽春城中又北出城注肥水 師古曰
泚音比又音布凡反芍音酌又音鵲 元和志芍陂周三

百二十四里徑百里 集韻泚水名出廬江天柱山 方輿紀要潁水源出六安州霍山中入河南固始縣界又東經霍丘縣至壽州境北流入淮水經注所謂泚水也一名白沙河俗呼二郎河 大清一統志潁水卽泚水一名白沙河源出六安州霍山縣南境北流經縣西繞城而東又東北流經州城西又北入潁州府霍邱縣界經縣東北入淮 又云芍陂在今鳳陽府壽州南亦名期思陂 水道提綱潁河出霍山縣南潛山縣西北境山北流逕霍山縣城西南折而東北經六安州城西北又北至霍邱縣東有清河通芍陂水來注之又北入淮 又云芍陂塘在壽州東南周數十里其西南支津西南流合清河西北入混水其西北支津西北流曰沿河經州城東北又西北經兩山入淮

皖

師古曰音胡管反 後書光武紀注一縣故城在今舒州懷寧縣有一水音下板反又下管反 又馬援傳注一城在一水之北 通典今舒州古小國也所領五縣懷寧宿松望江太湖桐城並漢一縣地一音患 元和志今舒州懷寧縣本漢一縣一山在縣西十里一水西北自壽州霍山縣流經縣北二里又東南流二百四十里入大江謂之一口縣城居一水之北 寰宇記舒州春秋時皖國也偃姓皐陶之後春秋時楚滅之爲東都秦屬九江郡在漢爲

縣屬廬江郡 集韻皖地名在舒 九域志懷寧縣有
一口鎮 路史國名紀舒之懷寧有一故國一與皖通
吳任臣字彙補皖古侯國少昊氏之後也 方輿紀要皖
水在安慶府西源出潛山合於潛水又南至府西東至皖
口入流江長三百四十里 大清一統志晉懷寧故城卽
今安慶府潛山縣治漢之十縣也一山在潛山縣西北一
水今名長河源出潛山縣西北天堂山 按本志作一後
世地志皆作皖蓋通用也

有鐵官

唐書地理志舒州同安郡土貢鐵器 寰宇記漢時一有
鐵官鑄鐵作牛埋於城北十步以鎮此地至北齊皇建二
年刺史王洪掘牛尙未鎔鑄而城中人馬多疫因問巫覡
咸曰鐵精爲祟遂使人送牛本處理之 宋史地理志安
慶府有同安監熙寧八年置鑄銅鐵 大清一統志鐵牛
在安慶府城內

湖陵邑

按一一自來地志未詳疑卽今安慶府太湖縣

北湖在南

地理志稽疑北湖卽樅陽湖與丹陽郡漂陽縣之南湖隔
江對岸 新校地理志北湖今日南泊湖也在今望江縣
西四十里合宿松太湖二縣諸水東入於江

松茲

史記楚世家肅王四年蜀伐楚取茲方正義曰古今地名云荊州——縣古鳩茲地卽茲方也 通典今壽州霍邱縣本漢——縣 寰宇記今舒州宿松縣本漢皖縣地元始中分爲——縣晉武平吳以荊州有——遂改爲宿松廢——縣在今潁州霍邱縣東十五里 方輿紀要——廢縣在今宿松縣北五十里 大清一統志——廢縣在今安慶府宿松縣北縣志云有故縣在今縣北五十里其地曰仙田有嘉禾無種自生故名潁州府霍邱縣東亦有——故城乃晉初改置

侯國

本書王子侯表——戴侯霸昭帝始元五年以六安共王

子封 陸錫熊炳燭偶鈔漢表祝茲侯徐厲史記作——

按地志——侯國屬廬江而祝茲未見徐厲以吕后四年

四月封十一年薨而表文有祝茲侯吕榮以吕后八年四

月封二侯同時不應並封一地且班氏於表末總數內已

明言祝茲在恩澤外戚則功臣表之徐厲自當從史記作

——爲是恐傳寫有誤耳 又云王子侯表又有膠東康

王子祝茲侯延年云在琅邪當是吕榮所封之國又有六

安共王子——戴侯霸當是徐厲所封之國

莽曰誦善

漢書地理志補注卷十八

常熟 吳卓信 編纂

九江郡

水經注——兼得廬江豫章之地故以九江為名 史

記正義——今壽州也 朱子語類漢——本在江

北而今所謂江州者實武郡之柴桑縣後以江北之尋陽并柴桑而立郡又自江北徙治江南以故江南得有尋陽之名後又因尋陽而改為江州實非古九江地也 地理通釋朱文公謂漢之尋陽縣在江北今之江州非古九江地其說明矣然漢柴桑縣屬豫章郡而王莽以豫章郡為九江柴桑縣為九江亭則九江之名其誤久矣 方輿紀

要———今鳳陽府壽州及滁和州至廬州府境是其地
按漢———今安徽鳳陽府之鳳陽懷遠定遠鳳臺四
縣及壽州廬州府之合肥巢二縣潁州府之霍邱縣滁州
之全椒縣暨和州州治皆其地

秦置

水經注———秦始皇二十四年置 史記正義楚考烈
王自陳徙壽春號曰郢至王負芻爲秦將王翦所滅於此
置———

高帝四年更名爲淮南國武帝元狩元年復故

地理志稽疑楚漢之際爲九江國高帝三年復屬楚國四
年屬漢更名淮南國文帝六年爲———十六年復爲淮

南國淮南王安國除復爲———

莽曰延平屬揚州有陂官湖官縣十五

壽春邑浚道成德橐皋陰陵歷陽當塗鍾離合肥東城博
鄉曲陽建陽全椒阜陵

壽春邑

史記荆燕世家劉賈南渡淮圍壽春 本書五行志文帝

二年六月淮南王都壽春大風毀民室殺人 本志論風

俗壽春合肥受南北湖皮革鮑木之輸亦一都會也 南

齊書州郡志壽春淮南一都會之地方千餘里有陂田之

饒 水經注淮水又東北流逕———縣故城西又北左合

椒水亦謂之清水東北流注于淮謂之清水口 又云肥

水自黎漿北逕——縣故城東又西逕——縣故城北又

西分爲二水又西北注于淮是曰肥口也 通典今壽州

——縣漢陽縣 寰宇記——縣在壽州南二十五里——

——故縣在——縣西一里 九域志壽州——縣有——

山——鎮 寰宇通志——縣在今壽州西四十里秦置

有楚王祭淮壇 大清一統志——故城卽今鳳陽府壽

州治

楚考烈王自陳徙此

史記楚世家考烈王二十二年東徙都壽春命曰郢 戴

侗六書故郢楚所都今爲江陵府江陵縣楚子西遷郢於

郢考烈王自陳徙——亦曰郢名雖同而地則異也 文

獻通考——羅城楚考烈王所築

浚道

晉志作浚道 晉灼曰道音會熟之會 水經注施水于

合肥縣北流逕——縣西積爲陽湖 師古曰會音才由

反 舊唐書地理志廬州慎縣卽漢——縣古城在今縣

南 寰宇記——故城在今廬州慎縣南二十五里 輿

地紀勝——故城在今廬州梁縣三十里 大清一統志

——故城在今寧國府宣城縣北六十里廬州府合肥縣

東北舊志云今其地名清水橋

成德

水經肥水出九江——縣廣陽鄉西別北過其縣西北入

芍陂又北過壽春縣東北入于淮注云呂忱字林曰肥水出良餘山俗謂之連枷山亦或以為獨山也北流分為二水施水出焉肥水首受施水於合肥縣城東西流逕一一縣注於肥水也肥水自荻邨北逕一一縣故城西又北入芍陂 大清一統志一一故城在今鳳陽府壽州之東南按如酈氏說則一一縣當在今廬州府城西北也

莽曰平武

橐皋

春秋哀十二年公會吳於一一杜注一一在淮南逡會縣東南 孟康曰音拓姑 括地志一一故城在今巢縣西北五十六里 國語補音橐音托或為洛諸本或為柘之

夜反誤也內傳釋橐音章夜反一音托與此相反宜從內傳 名勝志一一河源出合肥流槎山入巢湖 大清一統志一一故城在今廬州府巢西北 按漢時浚適一一二縣並屬九江後漢省一一入浚適晉又改為逡會屬淮南郡故杜元凱謂在淮南逡會縣也今廬州府巢縣西北六十里有會吳城即故一一縣後訛為拓皋宋高宗紹興十一年兀術陷廬州屯兵拓皋為劉錡等所敗即此今又訛為柘皋有柘皋鎮橐拓因音相近而誤拓柘又因形相似而誤也

陰陵

史記項羽本紀項王自垓下夜馳渡淮至一一迷失道左

陷大澤 水經注淮水又北徑莫邪山西山南有——縣故城 元和志——縣故城在今濠州定遠縣西北六十五年 輿地紀勝——山在烏江縣西北四十五里即項羽迷失道處 方輿紀要——城在鳳陽府定遠縣西北縣志云城周三里故址猶存——山在靈璧縣東十五里與泗州接界和州北八十里接江浦縣界

莽曰陰陸

按通典王莽改——為陽陵

歷陽

淮南子——之都一夕反而為湖高誘注漢時——淪為歷湖湯放桀於歷山即歷陽之山也 後書下邳王傳注

——今和州縣也 括地志和州——縣本漢舊縣項羽

封范增為——侯即此 十道志縣南有歷水故曰——

通典——漢舊縣後漢為揚州刺史所理 輿地紀勝

——山在——縣西北四十里即吳孫皓時石印封發處

方輿紀要麻湖在和州西三十里周回七十里舊稱巨

浸一作濼湖又為歷湖 大清一統志——故城即今和

州治秦置項羽封范增為侯邑舊志云今州城亞父所營

也——山在州西北四十里歷湖一名麻湖在州西與含

山縣接界

都尉治

廣韻和州在淮南漢九江都尉居之

莽曰明義

當塗

說文龠會稽山一曰九江一龠也民以辛壬癸甲之日嫁娶虞書曰子娶龠山 應劭曰禹所娶塗山侯國也有禹墟 韋昭國語注塗山國名禹所娶在今九江 杜預左傳注塗山在壽春縣東北 帝王世紀禹會諸侯于塗山今九江壽春有禹廟 太康三年地紀塗山古一一國夏禹所娶也今九江一一縣有禹娶之所邑界有一一山故城存焉即漢縣也一一山在壽春東北今驗無差 水經淮水又東過一一縣北注云淮水自莫邪山東北逕馬頭城北魏馬頭郡治故一一縣之故城也 水經注荆塗二

山相連為一派禹以桐柏之流汜濫為害鑿山為二以通之禹墟在塗山西 一一縣即其地 廣韻龠山古國名禹所娶也亦作畚又作塗 元和志一一縣故城在今濠州鍾離縣西南十七里塗山在縣東北 隋志鍾離郡塗山縣舊曰一一開皇初改 寰宇記古一一國在今濠州西一百十七里 集韻龠山亦作畚亦作崦 輿地紀勝一一古塗山國塗山在壽春東北即今濠州之塗山也自晉成帝時以江北之一一流入過江僑立一一縣於是江南始有一一之名後漢徐鳳反一一章懷注以為宣州之一一蓋不察江南之當塗乃東晉因流人僑立非古之一一也古之一一乃在今濠州之西耳 寰宇通志一一城

在今鳳陽府懷遠縣東南三里塗山北麓下塗山在縣東南八里與荆山對峙 明史志鳳陽府懷遠縣荆山在縣西南塗山在縣東南淮水經兩山峽間 大清一統志一故城在今鳳陽府懷遠縣東南縣志云今為馬頭集在縣西南二十里塗山在縣東南八里淮河東岸亦名一一山周四十六里高三百十三丈 按呂氏春秋云江淮以辛壬癸甲為嫁娶日此足以證一一即禹所娶塗山之國矣若太平之一一乃漢時丹陽縣地西晉分置於湖縣東晉僑立一一縣名耳杜元凱謂塗山在一一東北李吉甫謂一一故城在濠州鍾離縣西南是矣而柳子厚塗山銘蘇子由塗山詩並以指濠州者為非是實誤野客叢書又以宣之一一為禹之娶所更謬矣惟小司馬以塗山為在九江則與本志正合

侯國

本書功臣侯表一一康侯魏不害武帝征和二年封

莽曰山聚

鍾離

左傳成十五年諸國大夫會吳於一一杜注一一楚邑淮南縣 又昭二十四年楚子為吳師以略吳疆還吳踵楚遂滅巢及一一 史記秦本紀作終黎 又楚世家吳之邊邑卑梁處女與楚邊邑一一小童爭桑服虔曰一一州來西邑 又絳侯世家與穎陰侯共食一一 應劭曰縣

古——子國 世本終犁羸姓之國楚滅之以為縣 晉

書地理志——故州來邑 水經注淮水又東逕——縣

北 括地志——故城在今濠州——縣東北五里 通

典今濠州——縣漢陽縣東四里有古——城即楚城之

以備吳者 寰宇記濠水出——縣東濠塘山古——城

在今濠州東六里州有東西二城濠水界於其中 集韻

濠水名在—— 九域志——徐之別封也 輿地廣記

——縣有濠水即莊子與惠子觀魚之所 寰宇通志——

——城在鳳陽府舊城東六里土人呼為魯城 名勝志——

——城在鳳陽府臨淮縣東四里四面城濠現在 大清一

統志——故城在今鳳陽府鳳陽縣東 按水經注濠水

出陰陵縣之陽亭北合之寰宇記所云一也此東濠也又

有西濠在懷遠縣界見元和志二濠相近然東濠為大

莽曰蠶富

合肥

水經注肥水出九江成德縣廣陽鄉北流分為二水施水

出焉施水受肥于廣陽鄉東南流逕合肥縣應劭曰夏水

出城父東南至此與肥合故曰——關駟亦言出沛國城

父東至此合為肥接川流派別無沿注之理應駟二說非

實證也蓋夏水暴長施合於肥故曰——非謂夏水自城

父東逕——縣也 又云施水自成德東逕——縣城南

城居四水中施水又東分為二水又東逕湖口戍東注巢

湖謂之施口也 後書滕撫傳注——故城在今廬州北

通典今廬州所理——縣漢舊縣故城在縣北 元和

志淮水與肥水合故曰—— 輿地紀勝曹明之——新

城記天文一星在南斗曰——對九江星夾輔黃道而—

—入斗度最多故號金斗 通鑑釋文辨誤按應劭所云

鄴道元固疑之矣道元以夏水出城父而東南流入於淮

則與淮合無絕淮而南流至——縣與肥水合之理而施

水上承肥水于廣陽鄉東南逕——縣又東南流而入於

巢湖肥水西北注淮而施水東南入巢湖已自分流通惟夏

月暴水漲溢則二水復能合于——縣界故——以此得

名道元之說似乎信而有徵矣 中都志肥水出廬州府

西南七十里紫蓬山經——城下其東有沿河之水入焉

自洗馬灣黃連門來二河異源而下流相合故曰——

大清一統志——故城在今廬州府——縣北 舊志云

故城在今治東北名金斗城遺址尚存 又云按淝水有

三一出沛郡城父縣曰夏淝水在今穎州府蒙城縣西南

入淮不經縣界一出沛郡山桑縣曰北淝水即今蒙城縣

北三十里之北淝河對夏淝言故加北一出九江郡成德

縣曰東淝河在今廬州府——縣界三水源流各別應劭

誤以夏淝為合肥之肥而其水近北淝與——殊遠舊志

多混 水道提綱肥水出合肥西之雞鳴山亦曰金斗河

東南流逕府城北又東有店埠河來會又南流九十里入

巢湖 地理志稽疑夏肥水在淮北導源于沛郡之城父南至下蔡入淮肥水在淮南道源於九江之成德北至壽春入淮其入淮有南北之分而夾岸適對故淮人至今以東西二肥河目之原非謂夏肥水能伏流潛達與肥合也若合肥又在壽春之東二百餘里乃九江之肥所經由其於沛郡之夏肥水風馬牛不相及也應劭乃曰夏水出城父東南至此與淮合故曰——闕駟亦曰夏水至此合爲肥則沛郡之水既能伏流潛達又能引而長之以至於芍陂之間矣酈氏疑之于是曲爲之說謂肥水之同源而出者尙有施水已各分流注于巢湖若夏水暴漲則復合故以名其水然則沛郡之夏肥水得自爲川而九江亦不礙于夏肥水之目斯固騎郵之支詞而胡梅磻復附和之何也 水經注釋按漢志沛郡城父縣下云夏肥水東南至下蔡入淮而應劭于九江——縣下云夏肥水出城父東南至此與淮合所謂城父卽沛郡之城父非潁川之屬縣又云與淮合則亦何關於合肥之名耶道元引之而改曰出城父與肥合且又證以闕駟之說肥在淮南夏肥水安能截淮南過而與之合且所謂與肥合者夏肥水也是肥與肥合矣道元知其說之謬妄故折之曰非謂夏水非謂夏水者非謂夏肥水也又曰夏水暴長施合于肥故曰——施水亦出九江成德之廣陽鄉而流合於肥故曰——夏月水暴漲二水相合與導荷澤被孟諸之義相扶道元

所謂水盛方乃覆被者也夏肥水源流已具淮水注中班志在城父下本自不錯應劭移之——之下則舛矣唐盧潘——辨曰漢書淮南王殺開章葬之肥陵肥陵肥水之上也應劭曰夏水出城父東南至此與肥合故曰——今按肥水出雞鳴山北流二十里所分而爲二其一東南逕——縣南又東南入巢湖其一西北流二百里出壽春西投於淮二水皆曰肥爾雅歸異出同流肥言所出同而歸異也是山也高不過百尋所出惟一水分流而已其源實同而所流實異也故皆曰肥今二州圖記皆不見夏水與城父惡睹其爲夏與肥合者乎合于一源分而爲肥合亦同也故曰——而與夏與肥合者亦應氏之失也此文見唐文粹中其言足發酈氏之所未備

東城

史記項羽本紀項王乃復引兵而東至—— 本書高帝紀漢五年十二月灌嬰追斬羽—— 楚地悉定 水經注池水出—— 縣東北流逕—— 縣故城南又東北流歷二山間東北入于淮謂之池口 隋志鍾離郡定遠縣舊曰—— 梁改 括地志—— 故城在濠州定遠縣東南五十里 通典今和州烏江縣本烏江亭漢—— 縣也 方輿紀要—— 城在今鳳陽府定遠縣東南五十里秦邑漢分曲陽縣置 大清一統志—— 故城在今鳳陽府定遠縣東南秦置 按史記孝文八年封淮南厲王子良爲——

侯卽此

莽曰武城

博鄉

水經泄水出博安縣北過芍陂西與泚水合西北入于淮
注云博安縣卽地理志之——縣也泄水上承泚水西北
出歷濡溪謂之濡水逕安豐縣北流注于泚謂之濡須口
亂流同歸于淮 大清一統志——廢縣在今穎州府霍
邱縣南 按本志——縣屬九江續志無之殆後漢省并
而說文云泄水受博安洶波豈順帝以前曾改——為博
安乎不可考矣

侯國

本書王子侯表——節侯交元帝竟寧元年以六安繆王
子封

莽曰揚陸

三國魏志甘露二年諸葛誕據壽春吳遣朱異赴救雷輜
重于都陸 胡三省通鑑注都陸卽揚陸也 方輿紀要
都陸城在今安豐縣南卽漢——縣

曲陽

應劭曰在淮曲之陽 太康地理志東海復有曲陽故以
此為西——縣 水經注淮水納洛川子西——縣北逕
西——縣故城東城下邳有——故此加西也 寰宇記
古——城在今濠州定遠縣西北九十五里廢西——縣

在今壽州壽春縣東北八十三里 中都志今壽州東北八十三里有故西——城 方輿紀要——城在今鳳陽府定遠縣西北九十五里 大清一統志——加西字在今鳳陽府鳳臺縣東北 水經注釋九江之——續志始加西字東海之——續志改隸下邳地形志彭沛二郡領南陽中陽洛陽三縣南陽縣有——城即漢九江郡之——縣也洛陽即洛澗之陽也 漢書考異按東海郡——縣注亦引應劭曰在淮曲之陽二注當有一誤續志以此為西—— 漢書商榷常山有上——鉅鹿有下——此西字斷不可省

侯國

本書恩澤侯表——煬侯王根元帝河平二年封

莽曰延平亭

建陽

輿地紀勝——故城在今滁州清流縣東四十里 南畿

志——城在滁州東四十里本秦縣後漢時省入全椒

江南通志按後漢志無——縣據李吉甫十道圖清流縣

有——城即此也 大清一統志——故城在今滁州東

州志云在州東四十里

全椒

後漢馬成傳注——今滁州縣也 通典今滁州——縣

漢舊縣又清流縣亦——也 元和志滁州春秋時楚地

漢爲——縣地縣在州南五十里晉琅邪王佃出滁州卽
此 九域志滁州——縣有——鎮 大清一統志漢——
——舊縣卽今滁州——縣治 江寧府志六合縣本漢堂
邑——二縣地

阜陵

晉書地理志——漢明帝時淪爲麻湖 後漢書注——
故城在今全椒縣南 寰宇記——縣故城在今滁州全
椒縣西南十八里 輿地紀勝——城在今滁州全椒縣
東十五里地名赤土堽高一丈四尺 大清一統志——
故城在今滁州全椒縣東南十五里漢文帝八年封淮南
王子安爲侯國

莽曰阜陸

漢書地理志補注卷十九

山陽郡

方輿紀要——今山東兗州府西至河南歸德府東境
是其地 按漢——今山東濟寧州之金鄉嘉祥魚臺
三縣曹州府之單城武鉅野曹四縣及濮州兗州府之嶽
陽鄒二縣東昌府之冠縣皆其地

故梁景帝中六年別爲山陽國武帝建元五年別爲郡

地理志稽疑——故屬秦碭郡楚漢之際屬楚國高帝
五年屬漢仍屬梁國景帝封梁孝王子哀王定九年薨無
後國除爲郡天漢四年更爲昌邑國宣帝本始元年復故

常熟 吳卓信 編纂

元帝竟寧元年復爲山陽國成帝河平四年復故
莽曰鉅野屬兗州有鐵官

本書成帝紀永始三年山陽鐵官徒攻殺長吏盜庫兵

縣二十三

昌邑南平陽成武湖陵東緡方與橐鉅埜單父薄都關城
都黃爰戚郃成中鄉平東鄭瑕邱苗鄉栗鄉曲鄉西陽

昌邑

史記彭越傳沛公初起從碭北擊——彭越助之 本書

吳王濞傳條侯用鄧都尉策堅壁——南輕兵絕吳餉道

水經注菏水又東逕——縣故城北縣故梁也 元和

志——故城在今兗州金鄉縣西北四十二里其中城周

十餘里外城周三十餘里中有鉄柱出地數尺 輿地廣

記濟州金鄉縣本漢——縣地縣所治名金鄉山漢司隸

校尉魯恭嘗於此鑿石爲冢得白兔白蛇不葬更葬山南

鑿而得金故曰金鄉山 金史地理志濟州金鄉縣有——

一鎮 肇域記金鄉縣西四十里有——城東西六里南

北六里 山東通志——城在鉅野縣東南六十里與金

鄉接界 大清一統志——故城在今濟寧州金鄉縣西

北四十里秦本縣 按今萊州府之——縣乃漢北海郡

之都昌縣非此地也

武帝天漢四年更山陽爲昌邑國

本書武五子傳天漢四年封子哀王髡至孫賀廢國除復

為一縣

有梁邱鄉春秋傳曰宋齊會于梁邱

春秋莊三十二年宋公齊侯遇於梁邱杜注梁邱在高平

昌邑縣西南 穀梁傳梁邱在曹邾之間去齊八百里

水經注清水分濟于定陶東北又東北逕梁邱城西又東

北于乘氏縣西而北注河水 括地志梁邱故城在今曹

州成武縣東北三十二里 大清一統志梁邱城在今曹

州府成武縣東北二十五里

南平陽

竹書紀年梁惠成王二十九年齊田盼反宋人伐我東鄙

圍平陽 孟子一戰勝齊遂有南陽 水經注泗水又南

逕一縣故城西縣即山陽郡之一也世謂之漆鄉

又云洙水又西南逕一一縣之顯閭亭西故邾邑也

春秋襄公二十一年邾庶其以漆閭邾來奔今漆鄉在縣

東北漆鄉東北十里有閭邾亭 方輿紀要一一城在

今兗州府鄒縣西三十里河東郡有平陽故此加南 大

清一統志一一城即今兗州府鄒縣治本春秋時邾地後

為魯平陽邑戰國時為齊南陽邑

莽曰龜平

成武

史記絳侯世家故東郡尉于一破之 續郡國志漢高

祖過魯祀孔子駐驂于楚邱亭以武功告成改楚邱為一

水經注黃溝又東逕——縣故城南 後書——侯
傳注——今曹州縣也 元和志曹州——縣本漢舊縣
大清一統志曹州府城武縣春秋時郟國地後屬宋秦
置——縣漢屬山陽郡明時譌成爲城
有楚邱亭

春秋隱七年戎伐凡伯于楚邱以歸杜注楚邱衛地濟隱

——縣西北有楚邱亭

齊桓公所城遷衛文公于此

春秋大事表穀梁於兩楚邱皆言衛邑而不必明其處至
隋開皇十六年同時置兩楚邱縣一在漢己氏縣以戎伐
凡伯之楚邱爲名己氏春秋時爲戎州在今山東曹州府

曹縣東南四十里一在漢白馬縣卽齊桓公所封者在今
河南衛輝府滑縣東六十里截然甚明班氏地理志于山
陽——下注云有楚邱亭齊桓公遷衛文公於此則以滑
縣混同曹縣矣謬極 按左傳僖二年諸侯城楚邱而封
衛杜注雖無明文而詩定之方中篇毛傳鄭箋孔疏言之
甚晰水經注云白馬濟有白馬城衛文公東徙渡河都之
其不得混于山陽之——明矣古楚邱城在今衛輝府滑
縣東于漢爲東郡之白馬縣南北朝謂之滑臺劉宋元魏
力爭之于此爲四鎮之一非此楚邱也此楚邱當是戎邑
凡伯經其地戎遂伐之以歸杜注以爲衛地亦微誤
子成公徙濮陽

按濮陽卽東郡濮陽縣春秋僖三十二年衛遷于帝邱是也

莽曰成安

湖陵

史記項羽本紀秦嘉軍敗走追至湖陵 又高祖紀沛公初起攻湖陵方與 本書五行志哀帝建平四年山陽

一雨血 水經注灑水又西至湖陵縣入于泗故京相璠曰薛縣灑水首受蕃縣西注山陽湖陸是也 魏書地形

志高平郡高平縣有湖陸城 後書光武紀注一一縣故城在今兗州方與縣東南 寰宇記漢一一故城在今單

州魚臺縣東南六十里有一一城楚邑春申君所謂魏氏將出而攻□方與銓一一碭蕭□者也其東北爲滕縣

方輿紀要一一城在徐州沛縣東五十里與山東魚臺接界 大清一統志一一故城在今濟寧州

魚臺縣東南六十里與江南沛縣接界戰國時宋一一邑秦置縣 按說文作胡陵史記諸紀傳亦作胡陵湖胡古

通用

禹貢浮於淮泗通於河水在南

禹貢浮於淮泗通于河又導菏澤被孟豬孔傳菏澤在一一 又導沅水東至於菏 說文菏澤水在山陽胡陵禹

貢浮於淮泗達於菏从水苛聲 水經濟水又東至乘氏縣西分爲二其一東南流者過乘氏縣南又東過昌邑縣

北又東過金鄉縣南又東過東緡縣北又東過方與縣北
爲菏水又東過湖陸縣南東入於泗水注云澤水所鍾也
尚書曰浮於淮泗達於河是也 水經注泗水又南逕方
與縣東菏水從西來注之菏水卽沛水之所苞注以成湖
澤者也而東與泗水合於湖陸縣西六十里穀庭城下俗
謂之黃水口黃水西北通鉅野澤蓋以黃水沿注於菏故
因以名焉又屈東南過湖陸縣南左會南梁水又南鄆水
注之 元和志兗州魚臺縣菏水一名五文溝西自金鄉
縣流入吉縣十里又東南流合泗水泗水東北自任城縣
界流入經縣東與菏水合又東北入徐州沛縣界 黃公
韶韻會舉要菏或作荷予按舊注尚書導菏澤被孟豬集

韻亦作菏按淮泗入河必導於汴世謂汴是隋煬帝始通
而疑禹貢有浮於淮泗達於河之文說者牽合傳會或謂
鴻溝引河水入泗安知非禹之迹或謂當時必有可達之
理蔡氏書傳亦莫知所折衷今按說文菏字音柯注引禹
貢浮於淮泗達於菏與導菏澤同則是達於菏非達於河
也許慎所見蓋古文尚書後人傳寫之譌不知從艸例以
禹貢上下文達于河爲句改菏爲河陸德明又以河音如
字遂啟後人淮泗不能達河之疑然陸氏于菏澤下注徐
音柯又工可切於浮於淮泗達於河下亦注云說文作菏
益明矣工可切 水出山陽湖陵南則非九河之河明矣
如字之音陸氏誤也近世惟新安王氏曰濟入河溢爲滎

會於荷注於泗則河爲荷益明矣。金履祥尙書表注達于河古文尙書作達於荷說文引書亦作荷今俗本誤作河耳。荷澤與澤水相通而泗水上可以通荷下可以通淮。徐州浮淮入泗自泗達荷也。青州書達于濟則達河可知。故徐州書達于荷則達濟可知。尙書古文疏證按浮於淮泗達于荷今本作河二孔無傳疏止陸德明引說文作荷子考之荷字是也。蓋荷者澤名爲濟水所經又東至于荷者是在豫之東北卽徐之西北舟則自淮而泗自泗而荷然後由河入濟。潔達于河此徐之貢道也。或曰曷不詳言之子曰以上文兗州浮于濟潔達于河次青州便浮于汶達于濟不復言達于河矣。又次徐州浮于淮泗達于河亦不復言達于濟矣。至揚州則沿于江海達于淮泗且不復言達于荷矣。不復者蒙上文也。一層說卸一層雖由當日水道之自然而其敘法從變字法從簡眞屬聖經之筆。直言達于河不識其何途之從惟言達于荷而水道厯厯然在目矣。禹貢雖指按荷謂荷澤在今兗州府定陶縣東北說文荷字下云禹貢浮于淮泗達于荷从水苛聲徐鉉音古俄切隸從艸作荷俗遂訛爲荷又訛爲河也許慎時經猶作荷而史記漢書並作河蓋後人傳寫之誤。濟水猶爲荷澤此經蒙青之文曰達於荷則由濟入潔可知矣。徐之東北境可浮沂泗以達濟不必從淮其西北境亦可浮汶以達濟不必從泗也。又云漢志山陽郡湖陵縣下

云禹貢浮于淮泗達于河水在南漢時湖陵縣安得有黃河此河字明係荷字之誤水在南謂河水在縣南也 酈道元泗水注引此文云荷水在南水經濟水篇言荷水過湖陸縣東南入泗皆確證不獨說文作荷也 又云青承兗曰達于濟則由濟入漯可知矣徐承青曰達於荷則由荷入濟可知矣揚承徐曰達於淮泗則由淮入泗由泗入荷可知矣准通泗泗通荷荷通濟濟通河四州之貢道無不由濟者 又云青徐揚四州之貢道前後相承不復不亂汶與濟連故青曰浮于汶達于濟徐揚道由淮泗從泗入濟必由荷澤故書曰達于荷若作河則複而無理河漯青且不言矣而徐復云達于河陵亂失次禹貢必無此

書法而人猶謂作河爲是者總由不知荷澤之原委耳

大清一統志荷水卽沛水分流其上流在今曹州府及定

陶鉅野二縣界禹貢所謂導荷澤及沛水東至于荷是也

而其下流則自金鄉方與至湖陸以合于泗方與湖陸卽

今魚臺縣地禹貢所謂浮于淮泗達于荷蓋自泗至荷自

荷至沛也 尙書按後漢志引禹貢通于河河當作荷漢

湖陵在今魚臺縣之東南安得有黃河也水在南謂荷水

在縣南也荷本澤名沛水所豬在今曹州府定陶縣東北

爲豫之東北徐之西北境導沅水之東至于荷是主澤言

卽豫州之荷澤也此達于荷則自是乘氏以至湖陵乃荷

澤之支流說文名曰荷澤水者 漢書顏注拾遺應劭曰

尚書一名湖按尚書何曾有一名湖之文此湖字亦是蒍
字之誤蓋仲瑗引經文之蒍以證漢注河字之當依經作
蒍也而水經注引此注云應劭曰尚書一名湖陵更增一
陵氏尤爲謬誤然而相承已久宜師古之不能細審也

莽曰湖陸

應劭曰章帝封東平王蒼子爲湖陵侯更名湖陸 鄧展
曰湖陵屬山陽章帝元和元年改爲湖陸 殿板漢書考
證齊召南曰莽改湖陵爲湖陸光武中興郡縣名皆復其
舊至章帝又改湖陵爲湖陸也

東緡

春秋僖二十三年齊侯伐宋圍緡杜注緡宋邑高平昌邑

縣東南有一城 左傳昭四年桀爲仍之會有緡叛之

戰國策鄒衍曰余登緡城以望宋都 史記絳侯世家

攻爰戚——以往索隱曰緡音昷非陳留之東昏也屬陳

留者音昏屬山陽者音昏 水經注濟水又東逕——縣

故城北故宋地也十三州志曰山陽有——縣 師古曰

緡音昷 元和志兗州金鄉縣本縣東緡縣卽古之緡國

城 大清一統志——故城在今濟寧州金鄉縣東北二

十里本夏時緡國

方輿

戰國策楚人說頃襄王外擊定陶則大宋——二郡者舉
矣 史記陳涉世家秦嘉等引兵至—— 本書高祖紀

沛公還軍亢父至——又五行志哀帝建平四年山陽
——女子田無齋生子不舉葬之三日復生 晉灼鄭德
並音房豫 水經濟水東過——縣北爲菏水 元和志
兗州魚臺縣卽漢——縣 寰宇記魚臺縣北有小城
卽古——縣也 大清一統志——故城在今濟寧州魚
臺縣北春秋時宋邑秦爲縣

藁

本書五行志元帝建昭五年山陽——茅鄉社有大槐樹吏
伐斷之其夜復立其故處師古曰茅鄉——縣之鄉也 臣
瓚曰音拓 續郡國志高平故——章帝更名 水經泗水
又南過高平縣西泲水從西北流來注之注云縣故山陽
之——也所謂泲水者洙水也蓋泲洙相入互受通稱矣

大清一統志漢——縣後漢更置高平故城在今兗州府鄒
縣西南 地理志稽疑臣瓚音拓是也而師古于功臣侯
表乃以公老反音之則槁字矣大謬 按史記高祖八年
封陳錯爲藁侯本表作陳錯然侯名皆是藁字據索隱云
屬山陽則是——字矣臣瓚音拓而顏氏注本表讀作公老
反是唐人已誤——爲藁矣續郡國志亦作——而東平憲王
傳仍是藁字然則藁之與——竟未能一定也錢獻之曰王
莽改縣名爲高平本以藁高字聲相近又州郡志云高平
前漢名藁疑表作藁爲是

莽曰高平

按章帝改一曰高平復莽故號也

鉅壘

水經注菏水又東與一一黃水合菏澤別名也黃水又東

逕一一縣北 師古曰一一澤名因以為縣今屬鄆州

元和志鄆州一一縣本漢舊縣 邢昺爾雅疏鉅即大也

由其旁有大澤故縣以一一為名 大清一統志一一故

城在今曹州府一一縣南縣志云故城本在大野澤中後

經南徙元至正八年以水患復徙於城北形家務即今縣

治也

大壘澤在北兗州藪

禹貢大野既豬 夏官職方兗州澤藪曰大野鄭注大野

在一一 爾雅十藪魯有大野郭注今高平一一縣東北

大澤是也 左傳哀十四年西狩於大野杜注大野在高

平一一縣東北大澤是也 史記河渠書元光中河決瓠

子東南注大野通於淮泗 又彭越傳嘗漁大野澤中為

盜 服虔曰大野藪名魯圃田之常處蓋今一一 是 劉

昭注補大野澤春秋西狩獲麟之所 國都城記一一故

城東十里澤中有土臺廣輪四五十步俗云獲麟堆去魯

城可三百餘壘 水經注何承天曰一一湖澤廣大南通

洙泗北接清濟舊縣城正在澤中衍東北出為大野矣昔

西狩獲麟於是處也 元和志大野澤亦名一一澤在鄆

州一一縣東五里南北三百里東西百餘里 蔡氏書傳

按水經至乘氏縣分爲二南爲河北爲濟酈道元爲一水
 東南流一水西北流入一一澤則大野爲濟之所其所聚
 也大矣 禹貢錐指一一屢遭河患自漢以來衝決填淤
 凡四五渡高下易形久已非禹跡之舊逮元至正四年河
 又決入此地及河南徙澤遂涸爲平陸而畔岸不可復識
 矣 大清一統志一一澤在今縣北五里亦曰巨澤濟水
 故瀆所入也 按濟水至曹州府分爲二一水東南流爲
 荷水一水東北流入一一澤爲濟瀆春秋僖公三十一年
 取濟西田傳云分曹地自洮以南東傳於濟酈道元云濟
 水自是東北流出巨澤卽此地也一一卽今曹州府一一
 縣大野澤在縣東亦謂之廣野漢高帝封酈食其爲廣野
 君韋昭以爲卽一一縣澤連南旺蜀山諸湖方數百里卽
 梁山灤也亦稱梁山泊北出爲清河元末爲黃河所決涸
 爲平田矣王明逸以南旺湖爲卽古大野澤非也

單父

呂氏春秋宓子行其術于亶父 史記高祖紀一一人呂
 公 又傳仲尼弟子傳宓不齊字子賤爲一一宰 說苑
 宓子賤理一一彈琴身不下堂而一一理巫馬期以星出
 以星入而一一亦理孟康曰音善甫 水經注黃溝又東
 逕一一縣故城南 地形志一一有單襄公祠 元和志
 今宋州一一縣古魯邑縣也漢以爲縣 路史國名紀帝
 舜師單卷所居故號一一周成王封少子臻于此爲單子

國 大清一統志——故城在今曹州府單縣南一里春秋時魯邑宓子賤巫馬期皆嘗爲邑宰

都尉治莽曰利父

薄

春秋桓十二年公會宋公燕人盟于穀邱杜注穀邱宋地又莊十二年宋公子御說奔亳 又僖二十一年公會

諸侯盟于——釋宋公 左傳哀十四年桓魋請以鞶易——

景公不可曰薄宗邑也 荀子議兵篇古者湯以——楊倞

注——與亳同 如淳曰——卽亳也 臣瓚曰——湯所都

水經注睢水又東逕亳城北南亳也卽湯所都矣又東逕穀熟縣故城北又東蘄水出焉 又云渙水又逕亳城北

帝王世紀曰穀熟爲南亳卽湯都也又東逕穀熟城南

括地志南亳故城在今宋州穀熟縣東南五十五里 後

書梁節王傳注——故城在今曹州考城縣東北 元和志

今宋州穀熟縣本漢——縣地置於古穀城春秋時爲穀邱

亦殷之所都謂之南亳漢于此置——縣屬山陽郡——與亳

義同字異後漢分置穀熟縣 寰宇記穀熟縣在今宋州

東南四十里穀邱在縣南二百步 方輿紀要穀熟城在

今歸德府東南四十里本漢山陽郡——縣及梁國睢陽縣

地後漢建武二年封更始子歆爲穀熟侯邑於此尋爲穀

熟縣取春秋穀邱之名也 大清一統志——縣故城在今

山東曹州府曹縣南二十餘里曹南山之陽河南歸德府

商邱縣西北 按此穀熟之亳所謂南亳湯自北亳遷此
今歸德府商邱縣東南四十里有穀熟故城一卽亳也伊
尹曰天誅造攻自牧宮朕載自亳卽此

都關

史記絳侯世家攻一一索隱曰縣屬山陽 本書五行志
成帝元延四年隕石一一二 水經注瓠子河北有一一
縣故城縣有羊里亭瓠河逕其南爲羊理水也 方輿紀
要一一城應在今曹州東北 山東通志一一城在今鄆
城縣西濮州界 大清一統志一一故城在今曹州府濮
州東南

城都

春秋隱五年邾侵衛京相璠曰東郡廩丘縣南三十里有
邾都故城 水經注瓠河之北又有邾都城山陽縣也
山東通志一一城在濮州南六十里邾伯初封之國 大
清一統志一一故城在今曹州府濮州東南

侯國

本書恩澤侯表成都景成侯王商元帝河平二年封

莽曰城穀

黃

史記齊世家宣公四十三年田莊子伐晉毀一城 又趙
世家敬侯八年敗魏黃城 又肅侯十七年圍魏一不克
水經注一一縣有黃水西北通鉅野澤 括地志冠氏縣

南十里有一城亦以黃溝為名 大清一統志一城在今東昌府冠縣南漢時陳留郡有外黃縣魏郡有內一縣而山陽郡有一縣俱在大河旁為魏趙齊戰爭之地

侯國

本書王子侯表一節侯順元帝建始元年以梁敬王子封表注濟陰而志屬山陽

爰戚

史記曹參世家攻一一先登正義曰一一縣也近亢 肇域記滕縣南七十里有戚城即漢一一縣 山東通志一一城在今嘉祥縣南二十五里大鼎山之麓俗稱團城 大清一統志一一故城在今濟寧州嘉祥縣西南

侯國

本書功臣侯表一一靖侯趙延年宣帝地節二年封

莽曰戚亭

郃成

春秋隱十年取郃杜注濟陰成武縣東南有郃城 又桓二年取郃大鼎於宋杜注濟陰成武縣東南有北郃城徐才宗國都城記南北兩郃周成王庶子所封富辰所謂郃雍曹滕者也 水經注黃溝又東逕城父縣故城南又東北逕郃城北十三州志曰今成武縣東南有郃城俗謂之北郃者也 又云泡水東逕孟諸澤東北逕邛城縣故城南地理志曰山陽縣也王莽更名曰郃城故世有南郃

北郟之論也 寰宇記南郟在北郟南二里 肇域記城武縣東南十八里有北郟城桓二年取郟大鼎于宋是也 又二里有南郟城隱十年取郟是也 大清一統志一一故城在今曹州府城武縣東南十八里按今本漢志有一縣無郟城縣與水經注以在城武東南者爲宋邑謂之北郟在單縣之西者爲漢縣謂之南郟相去亦不止二里 寰宇記則以水經之北郟爲南郟謂卽漢縣而北郟不知所在 水經注釋外戚侯表有郟成侯王奉光注曰濟陰據地志濟陰無郟成而山陽有郟成水經注云孟諸澤東北逕郟成縣故城南地理志曰山陽縣也王莽更名之曰郟成是縣在前漢本名郟成至王莽始改曰一一矣宋子

京亦云郟當作郟 漢書考異表未見封一一者宋子京云郟當作郟外戚侯表郟成屬濟陰濟陰與山陽相距不遠疑子京說是也 新校地理志郟成卽郟成也表作郟成說文郟地在濟陰郟郟字形相近而誤墨子堯葬蛩山之陰蛩亦郟字 段氏說文注今本地志云山陽郡郟成侯國宋祁云郟當作郟外戚侯表郟成屬濟陰與山陽相距不遠子按宋說是也玉篇郟字下曰山陽郟成縣此郟成之確證希馮蓋以前表正說文而不知說文與表合前漢時容有改屬故志表不符耳志云侯國卽表之郟成侯王奉光也郟成之誤郟城者以莽曰告成之故也郡國志成武有郟城與此無涉

侯國

本書外戚侯表邛成侯王奉光宣帝元康二年封

莽曰告成

中鄉侯國

本書王子侯表——侯延年元帝建昭元年以梁敬王子

封

平樂

水經注黃溝又東逕——縣故城南又東右合泡水即豐

水之上源也 寰宇記單父縣東四十里有漢平城即平

樂城也 大清一統志——故城在今曹州府單縣東四

十里

侯國

本書王子侯表——節侯遷元帝建始元年以梁敬王子

封

泡水

舊作淮水誤

東北至沛

舊作沛誤

屬沛郡入泗

說文泡水出山陽——東北入泗从水包聲 水經注黃

水又東逕——縣右合泡水水上承睢水于下邑縣界東

北注一水上承睢水於杼秋縣界北流世謂之瓠盧溝水

積爲渚渚水東北流二渠雙引左合豐水俗謂之二泡也
自下豐泡並得通稱矣故地理志曰泡水自——縣東北
至沛入泗者也 大清一統志泡河在今徐州府沛縣南
目山東單縣流逕豐縣北又東逕沛縣界循城東南至泗
亭驛而合於泗 按淮水當作泡水卽豐水之上源說文
可證水經注兩引本志亦並作泡明嘉靖年刊本尙作包
字惟去水旁耳又沛非縣名乃沛字之訛水經注引此亦
作沛

鄭侯國

本書王子侯表——頃侯罷軍元帝建昭元年以梁敬王子
封

瑕邱

左傳哀七年季康子伐邾以邾子益來囚諸負瑕杜注高
平南平陽縣西北有負瑕城 應劭曰——在縣西南
水經泗水西過——縣東屈從縣東南流瀟水從東來注
之 水經注洙水又南逕——城東而南入石門 後書
鍾離意傳注——今兗州縣也 元和志今兗州郭下——
縣本漢舊縣卽魯之負瑕也 金史地理志兗州嶷陽
縣本——名勝志嶷陽山在今嶷陽縣西三十里縣以
此名本漢——縣隋避先聖諱故改之 按水經注以——
爲卽公叔文子所升之處考衛之——在今大名府開
州東南三十里秦置濮陽郡卽衛之帝邱成公自楚邱來

遷之處文子所升宜在彼地也

苗鄉

師古曰苗音側其反

侯國

本書王子侯表——釐侯就元帝建昭元年以梁敬王子

封

栗鄉侯國

本書王子侯表——頃侯護成帝鴻嘉元年以東平思王

子封

莽曰足亭

曲鄉侯國

本書王子侯表——頃侯鳳成帝永始三年以梁荒王子

封

西陽

按今濟寧州金鄉縣西有西防城本春秋時宋防邑春秋
隱十年公敗宋師於菅取防杜注高平昌邑縣西南有西
防城是也後書劉永傳遣使拜西防賊帥山陽佼儻為橫
行將軍章懷注西防縣名在宋州單父縣北考兩漢志無
西防縣而山陽郡有西陽縣疑陽為防之訛

侯國

本書王子侯表——頃侯並成帝元延二年以東平思王

子封

